

00

MEYO ACHIMOOWIN

ST. MARK.

THE GOSPEL

ACCORDING TO

ST. MARK ;

TRANSLATED INTO THE LANGUAGE OF THE
CREE INDIANS,
OF THE DIOCESE OF RUPERT'S LAND,
NORTH-WEST AMERICA.

LONDON :

PRINTED FOR

THE BRITISH AND FOREIGN BIBLE SOCIETY.

1855.

Printed by W. M. Watts, Crown Court, Temple Bar.

A KEY TO THE ORTHOGRAPHY.

VOWEL SOUNDS.

ā sounded as *a* in hate.

a *a* .. far.

e *e* .. me.

i *i* .. pin.

i *i* .. thine (when final).

oo *oo* .. moon, move.

u *u* .. but, tub.

ew *u* .. pure.

ow *ow* .. now.

CONSONANTS.

g sounded as *g* in get.

h *h* .. hard, hat.

k *k* .. keg.

m *m* .. me.

n *n* .. net.

p *p* .. put.

s *s* .. sin.

t *t* .. time.

w *w* .. was.

y *y* .. your.

y *y* .. my (when final).

ch *ch* .. much, chicken.

kw *kw* .. awkward.

st *st* .. stick.

pw *pw* .. upward.

REMARKS.

(') An aspirate or breathing, generally followed by the letters *k*, *t*, and *ch*. It is also used in the locative case; as, *washahikun*, "a house;" *washahikuník*, "in a house:" *wenepāh*, "a lake;" *wenepāhoók*, "in or on a lake." It also marks the distinction between the personal pronoun second person, *ke* for *keya*, and the particle *hé*, which is the sign of the past tense.

Wé, is a particle expressing a wish or desire, the sign of the optative mood.

Ga, is the sign of the future tense, used only in the indicative mood.

Ka, is the relative pronoun.

Kā, is the sign of the future tense, used only in the subjunctive mood.

Kitta, is a sign of the future tense.

Pā, is a particle signifying "to come."

M, is sometimes used to signify possession.

J. H.

ISLINGTON,

Feb. 5, 1855.

OO MEYO ACHIMOOWIN

S. M A R K.

PISKĒTUSSINÁHIKUN I.

Ā MACHEPUYEYIK oo meyo achimoowin Jesus Christ, oo' Koosisa Muneto ;

2 Ka isse itussináhikatak kiskewāhikāwinik, Mateka, net issitissāwaw net issitissāwakun kitta nekanótask, kā kwyachétat ke māskunow ke nekanimik.

3 Ā tāpwāt pāuk pukwutuskeék, omisse, Kwyachétawák oo māskunow ka Tipāyécheekāt, kwiuskwumótawák itta kā pimótāt.

4 John ké seekahátakāo pukwutuskeék, mena ké wétum unima seekahátakoowin. mā-tatumoowinik isse itta kitta ké óche apāhumak-oowisseék muchétewina.

5 Mena ké natik missewā uskeék Judea óche, mena weyawaw Jerusalemik óche, ākose kákeyow ké seekahátakwuk sepeék Jordanik, ā wétúkik oo muchétewinewawa.

6 Mena John ké weyátum pisiskewe ope-wuya, mena pākākino pukwátāhoon ké puk-

wátahoo ākose locusta mena amo oséhekun-eyew ké mechew;

7 Ākose kukāskimewāo, omisse ā itwāt, Ne pā uskwak pāuk owusimā ā soókatissit ispeéch neya, oo muskisināapea numma wawach ne tāpukāyétakoosewan kitta nowukeewuk ākose kitta apāhumwuk.

8 Neya atoweya nippe ke ké óche seekahát-atinawaw: maka weya ke ga seekahátakoowaw ka Kunatissiyit Áchákwa óche.

9 ¶ Ākose ké ékin mākwach āwukwunee kesikawa, Jesus pā itótāo Nazarethík Galileeík óche, ākose Johna ké seekahátak Jordaník.

10 Ākose kwiuskonak ā utte kupat nippeék óche, wapútum kéche kesikwa ā paskétāpuyeyikee, ākose Áchákwa tapiskooch omémew ā nasetotakooyit :

11 Ākose pátum ayumewin kéche kesikoók óche, omisse ā itwāmukuneyik, Keya ayewak ka sakehitan ne' Koosis, metoone ka náheyowāheyun.

12 ¶ Ākose sāmak áchákwa pukwutuskeék issewinik.

13 Ākose ākota pukwutuskeék ké ayaw nāometunow kesikawa, ā kootāyimikoot Muche Áchákwa; mena ké wechāwāo ka ákwatissiyit pisiskewa; ākose kéche utooskāyakuna óchees-tumak.

14 ¶ Ispe maka John ká áyeét kipáho-toowiník, Jesus pā itótāo Galileeík, ā wétúk meyo achimoowin Muneto oot otānowiník óche,

15 Mena omisse itwāo, Assi tipepuyew, mena Muneto oot otānowewin kisseyak ayayew: nukutumook ke muchétewinewawa, ākose tapwātumook meyo achimoowin.

16 ¶ Mākwach maka ā pimôtāt sisooch wenepākoók Galileeík, wapumāo Simona mena Andrewa oo' chewameyewa ā pukitāwayit wenepākoók: weya ā oopukitāwaweyit.

17 Ākose Jesus omisse itāo, Pā pimitissáhook, ākose ke ga issehitiñawaw kitta nochekinosāwatakokook ayiseyinewuk.

18 Ākose sāmak nukutāwuk oot āyupewawa, ākose ā pimitissáwatchik.

19 Ākose nowuch wáyowees ká itôtāt, wapumāo Jamesa Zebedeewa oo' koosiseyewa, ussitche Johna oo' chewameyewa, ā ayayit peéche mistiko chemaník ā meesáyupayit.

20 Ākose sāmak nutomāo: ākose nukutāwuk óo' tawewawa Zebedeewa peéche mistiko chemaník ussitche utooskāyakuna, ākose pimitissáwāwuk.

21 Ākose itôtāwuk Capernaumík isse; ākose sāmak ā ayumehāwe kesikayik peētók-wāo peéche ayumehāwekumikoók, mena kiskinóhumakāo.

22 Ākose mamuskatumwāwuk oo kukāskimawusoowineyew: chikāma kiskinóhumowāo tapiskooch oweyuk ā ayat tipāyéchekāwin, mena numoweya tapiskooch oomussināhikāwuk.

23 ¶ Ākose ākōta oot ayáty pāuk napāo

peêche oot ayumehāwekumikoowāk ā keke-skakoot āka ā pākisseiyit āchākwa ; mena tāp-wāo,

24 Omissee isse, Āka totowinan ; tanse keya kā itapuchehitāk, keya Jesus Nazarethīk óche ? ke na pāche nissewunachehinan ? Ke kiskā-yimitin owāna keya, oo Kunatisseema Mun-eto.

25 Ākose Jesus kitotāo, omissee itwāo, Āka kitoo, mena pāche wuyowee w'eyowīk óche.

26 Ākose ispe āka ka pākissit āchāk ká pek-opitat, mena mistahe ká tāpwāt, pāche wuyow-eew.

27 Ākose kákeyow mamuskatumwuk, mena omissee kákukwāchétoowuk, Kāko kākwi oma ? kāko oske kukāskimawusoowin oma ? chikāma tipāyéchekāwin óche itussoowatāo āpo āka ka pākisseiyit āchākwa, mena nunahétak.

28 Ākose sāmak ākota achimaw missewā waska Galileeīk.

29 ¶ Ākose ākota óche, ká wuyoweetchik ayumehāwekumikoók óche, peétokwāwuk oo wāskahikuneyeēk Simona mena Andrewa, us-sitche James mena John.

30 Maka Simon w'ewa oo' kaweyewa pimis-neyewa ā kisisoowe itaspināyit, ākose utte wétumowāwuk.

31 Ākose pāche sukechéchānāo, mena pīnāo ; ākose sāmak kisisoowe itaspināwin nukutik, ākose pumestowāo.

32 ¶ Ākose ā otakosik, ispe pesim pākis-simoot, pātoowāwuk kákeyow ā ākoseyit, mena unehee ā peéteskakooyit muche áchákwa.

33 Ākose kákeyow ayiseyinewuk otānowík óche mawutchehitoowuk mamowe iskwát-āmík.

34 Ākose ké kekāhāo méchāt ā ākoseyit nunatoók ā itaspināyit, mena ké wuyoweetissā-wāo méchāt muche áchákwa; mena numma wawach ké eyinumowāo muche áchákwa kitta ayumeyit, chikāma ā kiskāyimikoot.

35 ¶ Ākose ā kākesāpayayik, ā wuniskat kinwās ā moyā kesikayik, wuyoweew, mena itótāo itta ā nisikutoayayik, ākose ākota ayum-ehaw.

36 Ākose Simon ussitche unehee ka ké wechāwikoot pimitissāwāwuk.

37 Ākose ispe ká miskowatchik, omisse itāwuk, Kákeyow ayiseyinewuk ke nutonak-wuk.

38 Ākose omisse itāo, Māte natūtan kotuka otānowa, ākota mena kitta kukāskimawusoo-yan: chikāma āwuko óche ka ké pā itótāyan.

39 Ākose ké kukāskimawusoo oot ayum-ehāwekumikooyeék missewā Galileeík, mena ké wuyoweetissāwāo muche áchákwa.

40 ¶ Ākose pāche natick oopekopuyewa, ā pukosāyimikoot, mena ā ochéchékwunuppees-takoot, mena omisse ā itikoot, Keespin ket itā-yétān, ke ga ké pákehín.

41 Ākose Jesus, ā moosétat kitimakenakā-

win, sooweniskāyew, mena saminaō, ākose omisse itāo, Net itāyētān; pākisse maka.

42 Ākose kwiuskonak kã peekiskwāt, sāmak pekopuyewin nukutik, mena kē pākissew.

43 Ākose metoone ayeechimāo, mena sāmak sipwātissāwāo;

44 Mena omisse itāo, Māakwam ākaweya nantow issē cweyuk: maka sipwātā, wapūtey k'eyow ayumehāwekemaw, mena māke ke pāk-elikoowin ōche unebee kākvia Moses ka kē itussoowāt, kitta kē kiskāyētúkik.

45 Maka wuyoweew, mena mache wétum mistahe, mena tawākatotum āwukwāyew, peyis eyekoók āka wawach Jesus ā kē moosisā peēt-okwāt kēche waskahikuník, maka ākut kē ayaw itta ā nisikutoayayik: ākose pāche natāwuk missewā itta ōche.

PISKĒTUSSINĀHIKUN II.

ĀKOSE ateét kesikawa kã muyawepuyeyikee, itôtāo mena Capernaumík; ākose wétumwan ā ayat peéche ākota waskahikuník.

2 Ākose sāmak méchāt mawutchehitoowuk mamowe, peyis eyekoók āka wawach ā towak kitta peétokwāchik, numma wawach āpo waska iskwātāmik: ākose wétumowāo ayumewin.

3 ¶ Ākose pā natāwuk, ā pāsewachik pāuk ā nunumaspināyit, nāo ā pimótahatchik.

4 Ākose āka kissewak ā kē natatchik ā isse sētiskumatooweét, otinumwuk upúkwana itta

ā ayayit : ākose ispe kā towinúkik, pukitinum-wuk nipāwin itta oonunumaspināwa ka pimis-sineyit.

5 Ispe Jesus weápútumwat oo tapwátum-oowineyew, omisse itāo oonunumaspināwa, Ne' Koosā, ke muchétewina ket usānumakowin.

6 Maka ākota oot uppétawaw ateét oomus-sināhikāwuk, mena ā mamitoonāyétúkik oo' tāewāk,

7 Tanāke owa napāo wāche pastamoot ? owāna kā ké usānúk muchétewina piko Muneto ?

8 Ākose sāmak Jesus kaskāyétúk oot āchāk-oók ā mamitoonāyétumeyit, omisse itāo, Tanāke wāche mamitoonāyétumāk ohoo kāk-wia ke' tāewāk ?

9 Tanunima nowuch weyātúk kitta iteét oonunumaspināo, Ke muchétewina ket usānum-akowin ; āpo kitta itwāk, Wuniska, mena otina ke nipāwin, ākose pimōtā ?

10 Maka kitta ké kiskāyétumāk napāo oo' Koosisan ā ayat soókatissewin uskeék kitta us-ānumakāt muchétewina, (omisse itāo oonunum-aspināwa,)

11 Omisse k'ititin, Wuniska, mena otina ke nipāwin, ākose itōtā k'ekeék isse.

12 Ākose sāmak wuniskaw, otinum nipāwin, mena wuyoweew ā wapumikoot kákeyow ; peyis kákeyow ā mamuskatumeyit, mena mum-échimāwuk Munetoowa, omisse ā itwāchik, Numma wékach omisse isse ne ké isse wapút-ānan.

13 ¶ Ākose mena itôtāo sisooch wenepāk-oók; ākose kákeyow ookistukāwe ayiseyinewa natik, ākose kiskinóhumowāo.

14 Ākose ā utte pimótāt ākota, wapumāo Levia Alpheusa oo' koosiseyewa ā uppeyit itta ka otinimeēt sooneyawa, ākose omisse itāo, Pimitissáhoon. Ākose pusikoo mena pimitissáwāo.

15 ¶ Ākose utte ékin, mākwach Jesus ā uppit ā mechesoot oo waskahikuneyeék, méchāt publicanuk ussitche oomuchatissewuk wet-uppimāwuk Jesusa ussitche oo kiskinóhumowakuneyewa: weya ā méchātitchik, mena ā pimitissáwatchik.

16 Ākose ispe oomussináhikāwuk ussitche Phariseewuk weápumatchik ā weche mechesoomayit publicana mena oomuchatissewa, omisse itāwuk oo kiskinóhumowakuneyewa, Tanse oma wáche weche mechesoomat mena miníkwāmat publicana mena oomuchatissewa?

17 Ispe Jesus peátúk, omisse itāo, Unekee ka meyo ayatchik numoweya nutowāyimāwuk nutoókoonuya, piko unekee ka áko-sitchik: Numoweya n'óche pā itótan kitta nutomuk kwiusk ootitatissew, maka oomuchatissewuk kitta nukutúkik oo mnchétewinewawa.

18 ¶ Ākose oo kiskinóhumowakunewawa John mena Phariseewuk oo wéke kowúkut-āhóotawaw: ākose pā itótāwuk mena omisse itāwuk, Tanáke oo kiskinóhumowakunewawa

John mena Phariseewuk wâche kowûkutâhoo-yit, maka keya ke kiskinôhumowakunuk numma wawach kowûkutâhoowuk ?

19 Ākose Jesus omisse itāo, Oot owasimisa che wekêtoowekunik kitta ké kowûkutâyewa, ā askwa wechāwikootchik oowekêtoowa ? ā askwa wechāwatchik oowekêtoowa, numoweya kitta ké kowûkutâtchik.

20 Maka kesikawa kitta ochéhepuyewa, ispe oowekêtoowa muskumeétwawe, ākose āwukwunee kesikawa kā kowûkutâhootchik.

21 Numoweya mena oweyuk ukoostahum oske munetoākin kuyase weyâchekunîk : owāka unima oske aye ka ké mesâhikakâk otinumomukun kuyase ayék ôche, ākose itta ka pekopuyik owusimā missaw.

22 Mena numoweya oweyuk ustaw oske meenisapöe kuyase ussewutchekunîk : owāka weya oske meenisapöe kitta nissewunachêta-mukun ussewuthekuna, ākose a seekepuyik meenisapöe, mena ussewuthekuna kitta nissewunatunwa : maka oske meenisapöe kitta ustanewun oske ussewutchekunîk.

23 ¶ Ākose ké ékin, ā pimôtât pûkwâsekuniskâk kistikanîk ā ayumehākesikayik ; ākose oo kiskinôhumowakuna, ā utte pimôtâyit, mosûkepitâyewa pûkwâsekuna.

24 Ākose Phariseewa omisse itik, Cheest, tanâke wâche totûkik unima ā ayumehākesikayik āka kitta ké toçhekatâpun ?

25 Ākose omisse itāo, Numma wêkach na

k' óche ayumétanawaw tanse David ká totúk, ispe kweyeetumat, mena neyoótákutāt, weya, ussitche unehee ka ké wechāwikoot?

26 Ka ké isse peétokwāt Munetoowekumikoók mākwach Abiathar ā kéche ayumehāwekemawit, mena ka ké moowat oonustwakoowe ayúkonawa, āka oweyuk oo ga ké moowáty piko ayumehāwekemawa, mena ka ké meeyat unehee ka ké wechāwikoot?

27 Ākose omisse itāo, Ayumehākesikaw ké oséchekatāo ayiseyinew óche, mena numoweya ayiseyinew ayumehākesikaw óche :

28 Āwuk' óche napāo oo' Koosisan Tipāyétum mena ayumehākesikayew.

PISKÉTUSSINÁHIKUN III.

ĀKOSE mena peétokwāo ayumehāwekumikoók ; ākose ākota napāo oot ayáty ā nippoowechechāt.

2 Ākose usowapumāwuk, mâte kā kekāhayit ā ayumehākesikayik ; kitta ké misimatchik.

3 Ākose omisse itāo unehee napāwa ka nippoowechechāyit, Nepowe tātawitch.

4 Ākose omisse itāo, Oonussoowāwiník na itustāo kitta meyo totumeék ā ayumehākesikak, āpo kitta mucho éteék? kitta pimachehewāk, āpo kitta nippátakāk? Maka numoweya kitoowuk.

5 Ākose ká waska kunowapumat ā kissewasit, āka ā nāāyétúk ā ispeéche muskowetāhāyit, omisse itāo napāwa, Sooweniskāye. Ākose

sooweniskāyew : ākose oo' chéche ké meen-wachétawan tapiskooch kotukeyew.

6 ¶ Ākose Phariseewuk sipwātāwuk, ākose sāmak oonussoowatāwuk ussitche Herodianuk, tanse kitta ké isse nissewunachehatchik.

7 Maka Jesus sipwātāo ussitche oo kiskin-ōhumowakuna wenepākoók isse : ākose ookist-ukāwe ayiseyinewa Galileeík mena Judeaík óche pimitissáhook,

8 Mena Jerusalemík óche, mena Idumeaík óche, mena owusitā Jordaník óche; mena weya-waw missewā Tyre mena Sidoník óche, ā osamayutitchik, ispe peātúkik unehee kéche kākwia ká totumeyit, pā natāwuk.

9 Ākose ayumehāo oo kiskinōhumowakuna, upistche mistiko chemanis kitta kwyach ustāyik chikāma ā isse osamayuteyit ayiseyinewa, āka kitta pisteskakoot.

10 Weya méchāt ā ké pimachehat; peyis eyekoók ā nānachepāhikoot ā wé saminikoot, túto ote ka ké ayayit itaspināwina.

11 Mena āka ka pākissitchik áchákwuk, ispe weāpumatchik, oteétuppeestowāwuk, mena tāp-wāwuk, omisse ā itwāitchik, Keya ke Mune-toowe Koosisanewin.

12 Ākose metoone ayeechimāo āka kitta achimikoot.

13 ¶ Ākose koospamutchewāo wutcheék, ākose nutomāo unehee piko ā itāyétúk : ākose pāche natik.

14 Ākose oonukimāo metatút nesosap, kitta

wechāwikoot, mena kitta ké sipwātissáwat kitta kukāskimewāyit,

15 Mena kitta ayayit soókatissewin kitta kekátayit ákosewina, mena kitta wuyowheetissáwayit muche áchákwá :

16 Ákose Simona uspeníkātāo Peter ;

17 Mena James Zebedee oo' koosisa, mena John James oo' chewama; ákose Boanerges isse uspeníkātāo, áwukwane, Pināsewe—koosisanuk ā itwāk :

18 Mena Andrew, mena Philip, mena Bartholomew, mena Matthew, mena Thomas, mena James Alpheus oo' koosisa, mena Thaddeus, mena Simon ka Canaanitewit,

19 Mena Judas Iscariot, ka ké utawakāyit w'eyow : ákose peétokwāwuk waskahikuník.

20 ¶ Ákose mena mawutchehitooyewa ookistukāwe ayiseyinewa, eyekoók peyis numma wawach ápo kitta ké moowatchik ayúkonawa.

21 Ákose ispe oo' totāma peātumeyit, sipwātāwuk ā wé nutowe otétinatchik : weya ā itwātechik, Wunétatookwā oo mitoonāyēchekun.

22 ¶ Ákose oomussināhikāwuk ka ké pā itótātchik Jerusalemík óche itwāwuk, Ayawāo Beelzebuba, mena unehee ka tipāyimayit muche áchákwá ka óche wuyowheetissáwat muche áchákwá.

23 Ákose nutomāo, mena omisse itāo ā uspahakāmoot, Tantā isse Muche áchákwá ká ké isse wuyoweewāpinat Muche áchákwá ?

24 Mena keespin otānowewin nunanische-

hitomukun, āwuko otānow numoweya kitta ké étukwun.

25 Mena keespin waskahikun nunanischehitomukun, āwuko waskahikun numoweya kitta ké étukwun.

26 Mena keespin Muche áchák pusikoosta-sootche, mena nunanischehitootche, numoweya kitta ké étaw, maka kitta poone ayaw.

27 Numoweya oweyuk kitta ké peétokwāo ā muskowisseeyit napāwa w'ekeyeék, kitta nissew-unachétawat oot ayaneyewa, patima nekan ké túkopitatche napāwa ka muskowisseeyit; ākose kā ké nissewunachétawat w'ekeyew.

28 Tapwā k' ititinawaw, Kákeyow muchétewina kitta usānumowawuk napāwe koosisanuk, mena pastamoowina piko kā isse pastamoowakwā:

29 Maka una kā muche itakwā ka Kunat-isseyit Áchákwa numoweya wékach ayaw usānumakoowin, maka kitta ayimehik kakekā nissewunachehoowin:

30 Chikāma ā ké itwāyit, Ayawāo āka ā pākisseyit áchákwa.

31 ¶ Ākose maka oo' chewama ussitche oo' kaweya pā itótāyewa ākota, ākose, wuyoweetímik ā nepoweyit, wétumowāwuk, ā nutomat-chik.

32 Ākose ookistukāwe ayiseyinewa waska uppeestak, ākose omisse itāwuk, Cheest, ke' kawe mena ke' chewamuk wuyoweetímik ayawuk ā nunatonaskik.

33 Ākose nuskwāwusehāo, mena omisse itāo, Owāna ne'kawē, āpo ne' chewamuk?

34 Ākose waska kunowapumāo unehee ka waska uppeestakoot, ākose omisse itwāo, Wapumeēkook ne' kawē mena ne' chewamuk!

35 Weya piko una kā totúk oot itāyētum-
oowin Muneto, āwuko ne' chewam, mena net'
owāmaw, mena ne' kawē.

PISKĒTUSSINĀHIKUN IV.

Ākose mena mache kiskinōhumakāo kissewak
wenepākoók: ākose mawusuko natik ookistuk-
āwe ayiseyinewa, ākose poosew mistiko cheman-
ik, mena ayaw wenepākoók; ākose ookistukāwe
ayiseyinewuk kākēyow ayawuk kissewak wene-
pākoók pākwāchāk.

2 Ākose kiskinōhumowāo méchāt kākwiā ā
uspahakāmoot, mena omisse itāo oo kukāskima-
wusoowinik.

3 Nutótumook; Mateka, wuyoweew ookistik-
āo ā wé nutowe kistikāt:

4 Ākose oma mākwach ā kistikāt, ateēt
púkisineyewa putotāskunāk, ākose peyāsesa
pāche kitumwāyewa.

5 Mena ateēt púkisineyewa usineskāk, itta
āka mistahe uske ā ayak; ākose sāmak sakus-
kemukuneyewa, weya āka ā kispukak uske:

6 Maka ispe ispimik ātat pesim, ké iskwa-
tāwa; mena chikāma āka ā wutupemukúkee,
nippoowétinwa.

7 Mena ateēt púkisineyewa misekaweminuk-

useskāk, ākose misekaweminukuseuk saksukewuk, ākose kipiskowāwuk, ākose numma wawach nētawekētamukunwa kistikan.

8 Ākose kotukuk pūkisinwuk meyo uskeék, mena ké nētawekētamukunwa kistikan ka ké saksukemukúk mena yúkehomukúk; mena nētawekētamukunwa, ateét nisto metunow, mena ateét nikootwaso metunow, mena ateét metatúto metunow.

9 Ākose omisse itāo, Una ka ótowukat kitta pátúk, keyam kitta nutótum.

10 ¶ Ākose ispe peāukoot, unehee ka ké wechāwikoot ussitche metatút nesosap kukwāchimik uspahakāmoowin.

11 Ākose omisse itāo, Keyawaw ke meeyikowinawaw kitta kiskāyētumāk ka mamátawúk Muneto oot otānowewin: maka unekee wuyow-eetimík ka ayatchik, kákeyow ohoo kākvia tohekatāwa uspahakāmoowiník:

12 Ā wapútúkik kitta ké wapútumatchik, ākose āka kitta nissetowinumatchik; mena ā pátúkik kitta ké pátumatchik, ākose āka kitta nissetótumatchik; nantow itta oo ga kwāskétawaw, ākose oo muchétewinewawa kitta usānumowátyuk.

13 Ākose omisse itāo, Numma na ke kiskāyētānawaw oma uspahakāmoon? ākose maka tanse kā ké isse kiskāyētumāk kákeyow uspahakāmoowina?

14 ¶ Ookistikāo kistikatum ayumewin.

15 Mena āwukwunik okoo putotāskunāk ka

ayatchik, itta ayumewin ka kistikatak ; maka ispe ká pátúkwawe, Muche ácháak pā itótāo sāmak, mena otinumwāo ayumewin ka ké kistikatāyik peéche oo' táeyeék.

16 Mena āwukwunik okoo ussitche ka kistikateétchik usineskák ; ispe ká pátúkwawe ayumewin, sāmak otinumwuk keke mumá-takosewin ;

17 Mena numoweya oowutupeemewuk weyawaw káchewak, ākose ayawuk ukunuk piko : mwāstus, ispe ayimissewin āpo pukwatitoowin wāniskamukúke ayumewin óche, sāmak nayā-tawāyétumwuk.

18 Mena āwukwunik okoo ka kistikateétchik misekaweminukuseskák ; unekee ka pátúkik ayumewin,

19 Ākose oma uskewe mamitoonāyéche-kuna, mena wuyāsehewāwina wāyootissewina óche, mena ā ukawatumeék kotuk kākvia ā peétokwāmukúkee, kipiskumomukunwa ayumewin, ākose numma nētawekéchekāmukun.

20 Mena āwukwunik okoo ka kistikateétchik meyo uskeék ; unekee ka pátúkik ayumewin, mena ka otinúkik, mena ka nētawekétat-chik kistikan, ateét nisto metunow eyekoók, ateét nikootwaso metunow, mena ateét metatúto metunow.

21 ¶ Ākose omisse itāo, Pātanewun na wasuskotānikun kitta usták sepa múkúkoók, āpo sepa nipāwiník ? Ākose āka kitta usták wasuskotānumakunátikoók ?

22 Chikāma numoweya kākwi katanewun, āka kitta nokótāk; mena numoweya wékach kākwi ké kemooche kunowāyéchekataō, maka kitta kiskāyétakwúk.

23 Keespin oweyuk ótowukaw kitta pátúk, keyam kitta nutótum.

24 Ākose omisse itāo, Pāútuk unima kā pátumāk: unima kā óche tipáhikakāyāk, āwuko kā óche tipáhumakoweyāk; mena keyawaw ka pátumāk owusimā ke ga meeyikowinawaw.

25 Weya una ka ayat, kitta meeyaw: mena una āka ka ayat, kitta muskumaw ápo unimāyew ka ayat.

26 ¶ Ākose omisse itwāo, Ākose āsse ayak Muneto oot otānowewin, tapiskooch napāo ā wāpinúk kistikanisa uskeék;

27 Ākose ā nipat, mena ā wuniskat ā tipiskayik mena ā kesikayik, ākose kistikana oo ga sakuskétawaw, numoweya kiskāyétum tanse.

28 Chikāma uske sakuskétamukun kistikan sākā; nistum muskose, ākose uskoóch púkwās-ekun.

29 Maka ispe kistikana átétākwawe, sāmak munisikāo, chikāma munisikāwe kesikaw ā ochéchepuyeyik.

30 ¶ Ākose omisse itwāo, Kāko nuspitakoowin kā ké isse nuspitumótayúk Muneto oot otānowewin? ápo kāko tapiskootāyéchekun kā ké óche tapiskootāyéfumúk?

31 Nuspitumomukun pāukomin kistikanis,

ispe kâ kistikatâke uskeék, mawutche upisasin ka ítûteékee kistikana uskeék :

32 Maka ispe kâ kistikatâke, ôpikemukun, âkose mawutche misaw ka ítûteékee kistikana, mena méchâto puskâtíkwunāyaw ; âkose peyās-esuk âkota akowastāsimoowuk.

33 Mena méchât âkotoowe uspahakāmoo-wina ké ôche wétumowāo ayumewin, ā isse kuskétayit kitta pátumeyit.

34 Maka āka ā uspahakāmoot numoweya ôche ayumehāo : âkose ispe peāukootwawe, ké wétumowāo kákeyow kākvia oo kiskinóhumow-akuna.

35 ¶ Ākose āwuko ā kesikayik, ispe wātak-osineyik, omisse itāo, Māte asoowáhūtan kwāskukam isse.

36 Ākose kâ sipwātissáwatchik ookistukāwe ayiseyinewa, otināwuk ā isse ayayit mistiko chemaník. Mena oo wechāwikóty kotuka mistiko chemanisa.

37 Ākose misse kestin, âkose ā mamúkaskak mistiko chemaník pukumepuyewa, peyis ā sakuskināk eyekoók.

38 Maka weya otákātukoók oot ayáty, ā nipat uspiskwāsimoowiník : âkose kooskoonā-wuk, mena omisse itāwuk, Okemaw, numma wawach na ke kunupāyétān kitta nissewuna-chehooyák ?

39 Ākose wuniskaw, mena kitootum yootin, mena omisse itum wenepāk, Pāútuk, wé keyame ayá. Ākose poone yootin, mena kéche uy-wastin.

40 Ākose omisse itāo, Tanāke wāche isse sākisseyāk? tanse ākeék āka ka ootapwātumoo-wineyāk?

41 Ākose naspitch kéche sākissewuk, mena omisse ititoowuk, Tantoowe napāo owa, āpo yootin ussitche wenepāk ka nunahétakoot?

PISKĒTUSSINĀHIKUN V.

Ākose otétumwuk kwāskukam itākā wenepāk, oot uskewāk isse Gadareneuk.

2 Ākose ispe ká kupat mistiko chemaník óche, sāmāk nukiskak napāwa chepuyekumik-oók óche ā ayawayit áchákwā āka ā pákisseyit,

3 Ā wekeyit chepuyekumikoskāk; mena numma oweya ké kuskétayewa kitta túkopitikoot, numma, numma wawach āpo pewapisko pesakunapea óche:

4 Chikāma ā ata ké méchātwaw túkopiteét túkopititoowina óche mena pewapisko pesakunapea óche, mena ā ké pápeekopitúk pewapisko pesakunapea, mena túkopititoowina metoone ā ké peekopitúk: mena numoweya oweya ké kuskétayewa kitta yoospissehikoot.

5 Mena mosuk, tāpiskayike mena keyesikayike, ké ayaw wutcheék, ussitche chepuyekumikoskāk, ā tāpwāt, mena ā matisoosoot usinea óche.

6 Maka ispe weāpumāt Jesusa wáyow óche, ispútaw ākose putuppeestowāo,

7 Mena tāpwāo ā kisewāt, mena omisse

itwāo, Tanse keya kā itapuchehitan, Jesus, keya Wākoosisimisk mamowāyus āspākāyétakosít Muneto? Ke pukosāyimitin weya Muneto óche, āka kitta nunākatcheheyun.

8 Weya omisse ā ké itikoot, Pāche wuyowee w'eyowík napāo óche, keya āka peyākisseyun áchák.

9 Ākose kukwāchimāo, Tanse āsse isseník-asooyun? Ākose omisse itāo, Legion net isseníkason : chikāma ā méchāteyák.

10 Mena pukosāyimik naspitch āka kitta sipwātissáhookoot āwuko uskeék óche.

11 Ākota maka oot ayátawaw kissewak wutcheék ā méchātitchik koókosuk ā mechesootchik.

12 Ākose kákeyow mucho áchákwa pukosāyimik, omisse ā itwāyít, Issitissáhoonan itta koókosuk ka ayatchik, kitta ké peéteskowuk-eéitchik.

13 Ākose sāmak Jesus eyinumowāo. Ākose āka ka pākissitchik áchákwa wuyoweewuk, mena peéteskowāwuk koókosa : ākose koókosuk sóoke nasepāpūtawuk itta ā keeskútchayik wenepākoók, (nantow oo neso kéche metatúto metunowāsétawaw;) ākose ké nistapawāwuk wenepākoók.

14 Ākose unekee ka ké mechesoókowatchik koókosa tupuseewuk, mena wétumwuk k'éche waskahikuník, mena ākota uskeék. Ākose nutowe wapútumwuk kākwi unima ka ké to-tumoót.

15 Ākose otētāwuk Jesusa, mena wapum-
āwuk unehee ka ké kekeskawayit mucho áchák-
wa, mena ka ké ayawayit legionā, ā uppeyit,
mena ā kekayoowinisāyit, mena ā ayayit kwiusk
oo mitoonāyēchekuneyew : ākose sākissewuk.

16 Ākose unekee ka ké wapútúkik wétum-
owāwuk tanse ká isse ayayit unehee ka ké
kekeskawayit mucho áchákwa, mena ussitche
koókosa óche.

17 Ākose mache pukosāyimāwuk kitta sip-
wātāyit oot uskewák óche.

18 Ākose ispe ká poosit mistiko chemaník,
una ka ké kekeskawat mucho áchákwa pukos-
āyimāo kitta ké wechāwat.

19 Numoweya maka Jesus eyinumowāo,
maka omisse itāo, Kewā nasik ke' totāmuk,
ākose wétumowik kāko kéche kākvia ka Tipā-
yēchekāt ká totāstumask, mena ā ké kissāwa-
totask.

20 Ākose sipwātāo, mena mache wétum
Decapolisík kāko kéche kākvia Jesusa ká totās-
tumakoot : ākose kákeyow ayiseyinewuk ké
mamuskatumwuk.

21 ¶ Ākose ispe Jesus ká asoowāhoot mis-
tiko cheman óche kwāskukam isse, méchāt
ayiseyinewa mawusuko natik : mena kissewak
wenepākoók oot ayáty.

22 Ākose, pote, ka pā natikoot pāuk ka
tipāyétumeyit ayumehāwekumik, Jairus ā isse-
nikasooyit ; ākose ispe weāpumikoot, pūkisin-
eyewa oo' sitík,

23 Ākose naspitch pukosāyimik, omisse ā itwāyit, Ne' tanis pimisín kākach ā nippit: ke pukosāyimitin, kitta pāche saminut, kitta ké kekāheēt; ākose kitta pimatissēw.

24 Ākose Jesus wechāwāo; mena méchāt ayiseyinewa pimitissáhook, mena pisteskak.

25 ¶ Ākose pāuk iskwāo, ā wé nāstoók-wākowit metatút nesesap pipoonwa,

26 Mena ā ké ákohikoot méchāt kākwiā ā ítotakoot méchāt nutoókoonuya, mena ā ké māstinúk kákeyow kākwi ka ké ayat, ākose āka wawach ā koche meyoayasit, maka yayow owusimā ā utte mayeayat,

27 Ispe ká pátúk Jesusa óche, pāche sé-toweyúkeew otanák óche, mena saminumwāo oot ukohooneyew.

28 Weya omisse ā ké itwāt, Keespin ké saminumwuke ápo piko oot ayoowinisa, ne ga kekan.

29 Ākose sāmak itta ka ótasekowuneyik oo mikoom ké pastāyew; ākose moosétaw w'eyowík ā pimacheheēt āwuko itaspināwin óche.

30 Ākose Jesus, sāmak ā kiskāyétúk soók-atissewin ā ké wuyoweemukuneyik w'eyowík óche, kwáskekapowew mākawuyās, mena itwāo, Owāna ká saminúk net ayoowinisa?

31 Ākose oo kiskinóhumowakuna omisse itik, Ke wapumawuk ookistukāwe ayiseyinewuk ā makoskaskik, ākose ket itwan, Owāna ká saminit?

32 Ākose waska itapew ā wé wapumat unehee ka ké totumeyit oma kākwi.

33 Maka iskwāo ā sākissit mena ā nunéke-puyit, ā kiskāyétúk kākwi ká totāstumāt w'e-yowik; pā otétuppeestowāo, mena wétumowāo kákeyow tapwāwin.

34 Ākose omisse itāo, Wātaniseék, ke tap-wātumowin ke ké pimachehikoon; neyá pāūt-ukāyimoowiník, wé pimatisse ket itaspināwiník óche.

35 ¶ Mākwach kāyapitch ā pekiskwāt, pā itótāyewa w'ekék óche una ka tipāyétúk ayumehāwekumik ateét ā itwāyit, Ke' tanis nippew: tanāke wāche mikoskachehut Okemaw owusimā?

36 Sāmak Jesus peātúk ayumewin ka ké itwāweét, omisse itāo unehee ka tipāyétumeyit ayumehāwekumik, Ākaweya sākisse, piko tap-wāta.

37 Mena numoweya ké eyinumowāo oweya kitta pimitissáhookoot, piko Peter, mena James, ussitche John oo' chewama James.

38 Ākose otétumwāo w'ekeyew unehee ka tipāyétumeyit ayumehāwekumik, mena wap-ūtum ā mikoskache ayaweét, ussitche unehee ka matooyit mena ka kéche matooyit.

39 Ākose ispe ká peétokwāt, omisse itāo, Tanāke oma wāche mikoskache ayayāk, mena matooyāk? oskeneekiskwāsis numoweya nippew, maka nipaw.

40 Ākose nunatoókwaḡpehāwuk, Maka ispe

kákeyow ká wuyoweetissáwat, itótahão oo' ta-weyewa ussitche oo' kaweyewa oskeneekiskwāsisa, mena unehee ka ké wechāwikoot, ākose peé-tokwāo itta oskeneekiskwāsisa ka pimisineyit.

41 Ākose sukechéchānāo oskeneekiskwāsisa, mena omisse itāo, Talitha cumi; āwukwane, ā itwāk, Oskeneekiskwāsisa, k' ititin, wuniska.

42 Ākose sāmāk oskeneekiskwāsisa wuniskaw, ākose pimótāo; weya ā metatūt nesosapo pip-oonāt. Ākose ké mamuskatumwuk kéche mamuskatumoowin óche.

43 Ākose soōke ayeechimāo āka oweya kitta kiskāyétumeyit; mena itusoowāo nantow kākwi kitta usumimeét.

PISKÉTUSSINÁHIKUN VI.

ĀKOSE ākota óche sipwātāo, mena pā itótāo weya káčewak oot uskeék; ākose oo kiskin-óhumowakuna pimitissáhook.

2 Ākose ispe ayumehāwe kesikaw wāché-chepuyeyik, mache kiskinóhumakāo ayumehāwekumikoók: ākose méchāt ā pátowatchik mamuskatumwuk, ā itwāchik, Tantā wātinúk owa napāo ohoo kākwiā? mena kākō kukāt-awāyétumoowin oma ka meeyeét, āpo unehee kéche utooskāwina ka itotúk oo' chécheaóche?

3 Nummayāo na owa mistiko-napāo, Mary oo' koosisa, oo' chewama James, ussitche Joses, mena Juda, ussitche Simon? mena numma na oot' owāmama ota ke wechāwanowa? Ākose ké nayātawāyimāwuk.

4 Maka Jesus omisse itāo, Okiskewāhikāo numoweya āka kitta ayat kistāyētakosewin, piko weya kāchewak oot uskeék, mena keyekow weya kāchewak oo' totāma, mena weya kāchewak w'ekék.

5 Mena ākota numoweya ké totum mamuskache utooskāwin, piko ā ké saminat ateét oot-ākosewa, mena ā ké pimachehat.

6 Mena ké mamuskatum chikāma oot anwātumoowinewaw óche. Ākose waskātāo misewā otānowa, ā kiskinóhumakāt.

7 ¶ Ākose nutomāo metatút nesoosap, mena mache sipwātissāwāo nānesoo ; mena meeyāo soókatissewin kitta sakoochehayit āka ka pāk-isseyit áchákwa ;

8 Mena itussoowatāo āka kākwi kitta túkoonumeyit ā pupamótāyit, piko suskáhoon ; numoweya mechimewut, numoweya ayúkonaw, numoweya sooneyawa w'ewutewák :

9 Maka kitta kekeskumeyit muskisina ; mena numoweya kitta poostiskumeyit nesoo mis-kotakuya.

10 Ākose omisse itāo, Piko ittā kā peétokwāyák peéche waskahikuník, ākota ayak eyekoók kā sipwātāyák ākota óche.

11 Mena piko una āka kā wé ótinikooyák, āpo pátakooyák, ispe sāpwātāyāko ākota óche, pūpowesitāsimoók āwukwāyew kitta misimikootchik. Tapwā k' ititīnawaw, owusimā kitta meyo ayawuk weyawaw Sodom mena Gomorrha oonussoowāwe kesikake, ispeéch āwuko otānow.

12 Ākose sipwātāwuk, mena wétumakāwuk, ayiseyinewuk kitta pukwatúkik muchétewin.

13 Mena ké wuyoweetissāwāwuk méchāt muche áchákwa, mena ā toominatchik pime óche méchāt unehee ka ké ákoseyit, mena pimachehāwuk.

14 ¶ Ākose kéche okemaw Herod pātum ā achimimeét; (weya missewā oo wéyoowin ā atootumoót:) ákose omisse itwāo, John Ooseek-ahátakāo ké wuniskaw nippoowiník óche, mena āwuk' óche wáche nokótat mamuskache utoos-kāwina.

15 Kotukuk itwāwuk, Elias una. Ākose kotukuk itwāwuk, Okiskewāhikāo una, ápo tapiskooch pāuk okiskewāhikāo.

16 ¶ Maka ispe Herod peātúk, omisse itwāo, John una, ka ké keeskek wātāwuk: ké wuniskaw nippoowiník óche.

17 Weya Herod káchewak ā ké issitissáhoo-wāt mena ā ké otinat Johna, mena ā ké túko-pitat kipáhotoowiník Herodias óche, oo' che-wama Philipa w'eweyewa óche: weya ā ké kéche wekimat.

18 Weya John ā ké itāpun Heroda, Numoweya meywasin keya kitta yawimut ké' che-wam w'ewa.

19 Āwuk' óche Herodias ké pukwatāo, mena oo ga ké nipáháty; maka numoweya ké kuskétaw:

20 Weya Herod ā ké koostat Johna, ā kisk-āyimat ā kwiusk itatisseyit mena ā kunatisseyit napāwa, mena ā ké nakutowāyimat;

mena ispe kâ pătowat, kê totum mēchāt kāk-wia, mena kê pătowāo keke mumatakosewin.

21 Ākose ā nāhepuyik kesikaw ā ochēche-puyeyik, Herod ā tipiskūk, tipiskinākwāwin osētowāo oo' kemasisima, kêche semakunisewekemawa ussitche, mena mawutche kêche ayā Galileeik ;

22 Ākose ispe oo' tanisa āwuko kāyapitch Herodias peā peētokwāyit, mena ā neemeyit, mena ā nāheyowāhikoot Herod ussitche unehee ka wetuppmikoot, kêche okemaw omisse itāo unehee oskeneekiskwāwa, Nutotumowin piko kākwi ā itāyētumun, ākose ke ga meeyitin.

23 Ākose kêche itāo, Pikokākwi kā nutotumoweyun, ke ga meeyitin, apētow net otānowewin isko.

24 Ākose wuyoweew, mena omisse itāo oo' kaweya, Kākwan kā nutotuman ? Ākose omisse itwāyewa, Oo' stikwan John Ooseekahātakāo.

25 Ākose sāmak keyepe pā natāo kêche okemawa, mena nutotumowāo, omisse, Net itāyētān patima kitta meeyeyun oonakuník oo' stikwan John Ooseekahātakāo.

26 Ākose kêche okemaw naspitch numma kê nāhāyētum ; āyewāk maka oo kêche itwāwin óche, mena weyawaw óche ka wetuppmikoot, numoweya wé anwātowāo.

27 Ākose sāmak kêche okemaw issitissāwāo napāwa, mena itussoowāo oo' stikwaneyew kitta pātaweēt : ākose itótāo mena keeskek-wātāwāo kipáhotoowiník,

28 Mena pātawāo oo' stikwaneyew oonakun-ik, ākose meeyāo oskenekiskwāwa : ākose oskenekiskwāo meeyāo oo' kaweya.

29 Ākose ispe oo kiskinōhumowakuna peā-tumeyit, pā itōtāwuk mena otinumwāwuk w'eyoweyew, mena ustawāwuk chepākumik-oók.

30 ¶ Ākose issitissāwakunuk mawusuko natawuk Jesusa, mena wētumowāwuk kákeyow kākwia, ka ké totúkik, mena ka ké kiskinōhum-akatchik.

31 Ākose omisse itāo, Pā itōtāk keyawaw ākut itta ā nisikuto ayak, ākose utcheyow uy-wāpik : weya méchāt ā ké pā itōtatchik mena ā sipwātatchik, mena numma wawach ké tow-ustāyew āpo eyekoók kitta mechesootchik.

32 Ākose sipwātāwuk itta ā nisikuto ayayik chemaník kemooch.

33 Ākose ayiseyinewuk wapumāwuk ā sip-wātāyit, mena méchāt kiskāyimāwuk, mena mooschepūtawuk ākota isse missewā kéche was-kahikuneskāk óche, mena asiskowāwuk, ākose mamowe otētāwuk.

34 ¶ Ākose Jesus, ispe wāyoweet, wapumāo méchāt ayiseyinewa, ākose moosétaw ā kitim-akinowat, chikāma ā nuspitowayit mayutchik-wa āka kunowemayutchikwāwa ā ayawayit : ākose mache kiskinōhumowāo méchāt kākwia.

35 Ākose maka ispe kesikaw mistahe māya-wepuyik, oo kiskinōhumowakuna pāche otétik, mena omisse itwāyewa, Nisikuto ayamukun

ota, ākose ākwa mistahe māscheputyew kesikaw :

36 Sipwātissáhook, kitta ké itótatchik uskeék missewā waska, mena waskahikuneskák isse, ākose kitta utawāstumasootchik ayúkonawa : chikāma numma kākwi yawuk kitta mechitchik.

37 Nuskwāwusehāo mena omisse itāo, Usumeékook. Ākose omisse itāwuk, Ne ga na nutowe utawanan nesoo metatúto metunow sooneyawapiskoosuk eyekoók ayúkonaw, ākose kitta usumukeétchik ?

38 Omisse itāo, Tantúto ayúkonawuk āyawākook ? nutowe itapik. Ākose ispe kās-āyétúkik, omisse itwāwuk. Neyanun, ussitche nesoo kinosāwuk.

39 Ākose itussoowatāo kákeyow kitta náüppehayit pápiskéch chepátukuskosewukák.

40 Ākose náüppewuk pápiskéch, māmētatúto metunow, mena nāneyanuno metunow.

41 Ākose ispe ká otinat neyanun ayúkonawa ussitche nesoo kinosāwa, tustusapew kéche kesikoók isse, mena meywukimāo, mena púk-wānāo ayúkonawa, mena meeyāo oo kiskin-ōhumowakuna kitta oonustwawayit; ussitche unehee nesoo kinosāwa matinumowāo kákeyow.

42 Ākose kákeyow ké mechesoowuk, mena ké keespoowuk.

43 Ākose otinumwuk metatút nesoosap wékopewuta ā sakuskināyikee iskwáchekuna óche, mena kinosāwa óche.

44 Mena unekee ka ké moowatchik ayúk-onawa nantow ké neyanuno kéche metatúto metunowāsewuk napāwuk.

45 ¶ Ākose sāmāk ké sakoochimāo oo kisk-inôhumowakuna kitta pooseyit mistiko che-maník, mena kitta itôtāyit kwāskukam itākā nekan Bethsaidaík, ā āskwa sipwātissāwat ayiseyinewa.

46 Ākose ispe ká sipwātissāwat, sipwātāo wutcheék isse kitta ayumehat.

47 Ākose ispe wātakosineyik, mistiko che-man tawitch wenepākoók ayayew, ākose weya ā pāukoot uskeék.

48 Ākose wapumāo soōke ā utooskāyit ā usāpooyāyit ; weya ā nayātawetineyik : ākose nantow ātookwā ā utte kākesāpayayik otétāo, ā pimótāt túkoóch wenepākoók, mena oo ga ké mayaskowāty.

49 Maka ispe weāpumatchik ā pimótāyit túkoóch wenepākoók, ké itāyétumwuk áchák ātookwā, mena mowimókāwuk :

50 Weya kákeyow ā wapumatchik, mena ké mikoskatāyétumwuk. Ākose sāmāk weche ayumimāo, mena omisse itāo, Mumátakosik : neya oma ; ākaweya sākissik.

51 Mena natāo peéche mistiko chemaník isse ; ākose yotin poonepuyew : mena nas-pitch mamuskatumwuk, mena kéche mamuskat-āyétumwuk.

52 Chikāma numoweya ā mamitoonāyé-túkik unima mamuskache isséchekāwin ayúk-

onawa: weya oo' tãewaw ā muskowus-tāyik.

53 ¶ Ākose ispe kā mayaskúkik, otétumwuk uske Gennesaret, mena natukáhumwuk.

54 Ākose ispe kā kupatchik chemaník óche, sāmak kiskāyimāwuk,

55 Mena pupamótāwuk missewā ākota waska, mena mache pupamótahāwuk nippāwiník unehee ka ké ākoseyit, itta ā pātúkik ā ayayit.

56 Mena piko itta ā peétokwāt, waskahikuneskák isse, āpo kéche waskahikuneskák, āpo uskeék, ké áyāyewa ootākosewa mās kunayeék, mena ā pukosāyimatchik kitta ké saminumwatchik keyam piko chekask oot ukohooneyew : mena túto ka ké saminatchik ké pimachehawuk.

PISKÉTUSSINÁHIKUN VII.

ĀKOSE pāche mawusuko natik Phariseewa, mena ateét oomussināhikāwa, Jerusalemík ā pā ótótāyit.

2 Ākose ispe weāpumatchik ateét oo kiskin-óhumowakuneyewa ā moowayit ayúkonawa keke āka pākissewin, āwukwane ā itwāk, keke āka ā kitchistapawuták, mechéchea, ké nayātawāyétumwuk.

3 Weya Phariseewuk, ussitche kákeyow Jewuk, patima méchātaww kā kissepākinúk-wawe oo' chéchewawa, numoweya mechesoo-wuk, ā mitchiminúkik oot issétwawineyew wās-kuch kissāyinewa.

4 Mena kâ tukoseékwa^wwe utâtoowinîk ôche, patima kâ kissepâkeetwawe, numoweya mechesoowuk. Mena méchât kotuka kâkwia êtukwunwa, ka ké otinûkik kitta mitchiminûkik, â kissepâkinumeék oonakunisa, mena minîkwakuna, osawékwuk-usewutchekuna, ussitche tâtuppewina.

5 Akose Phariseewuk ussitche oomussinâhikâwuk kukwâchimâwuk, Tanâke numoweya ke kiskinôhumowakunuk totumwuk â ké isse itatisseyêpun wâskuch kissâyinewa, maka ka moowatchik ayûkonawa âka â ké kitchistapawutatchik oo' chéchewawa?

6 Nuskwâwusehâo mena omisse itâo, Metoone ke ké kiskewâhookoowaw Esaias keyawaw oowuyâsehisootik, ka isse itussinâhikatâk, Okoo ayiseyinewuk ne muméchimikwuk oo' toonewawa ôche, maka oo' tâewaw wâyow ayayew.

7 Âyewâk pikonuta ne putuppeestakwuk, â kiskinôhumakatchik kukâskimewâwina ayiseyinewa oo' nussoowâwineyewa.

8 Weya ôpimâ â ustayâk oo' nussoowâwin Muneto, ke mitchiminânawaw oot issétwawinewaw ayiseyinewuk, ka kitchistapawutâk minîkwakuna mena oonakunisa : mena méchât kotuka âkotoowe kâkwia ke totânawaw.

9 Mena omisse itâo, Metoone ket atowâyê-tânawaw Muneto oo' nussoowâwin, kitta ké kunowâyêtumâk keyawaw kâchewak ket issétwawinewaw.

10 Weya Moses ā ké itwāt, Kistāyimik k' ōtawe mena ke' kawē; mena, Piko oweyuk muche itatche oō' tāweya āpo oo' kaweya keyam kitta nippāhaw:

11 Maka keyawaw ket itwanawaw, Keespin oweyuk itatche oō' taweya āpo oo' kaweya, Corban āwuko, āwukwane ā itwāk, mākwēn, piko kākwan kitta ké ōche ōtisseyun neya ōche; kitta tipāyimisoo.

12 Mena numoweya ket eyinumowawaw owusimā nantow kākwan kitta totumowat ōo' taweya āpo oo' kaweya;

13 Ā issētayāk Muneto oot ayumewin āka nantow kitta itaputuneyik ket issētawawinewaw ōche, ka ké mākeyāk: mena méchāt ākotoowe kākwia ket itotānawaw.

14 ¶ Ākose ispe kā nutomat kākeyow ayiseyinewa, omisse itāo, Nutōtowik kākeyow keyawaw, mena nissetōtumook:

15 Numma étukwun kākwan oowuyoweetim-ayik ayiseyinew, ā peētōkwāmukuneyik w'eyowik kitta ké nissewunachehikoot: maka unehē kākwia ka wuyoweepuyikee w'eyowik ōche, āwukwunee ka nissewunachehikoot ayiseyinew.

16 Keespin oweyuk ōtowukaw kitta pātūk, keyam kitta nutōtum.

17 Ākose ispe ayiseyinewa kā nukutat kā peētōkwāt maka waskahikunik, oo kiskinōhum-owakuna kukwāchimik uspahakāmoowin ōche.

18 Ākose omisse itāo, Ākose na kāyapitch neestawaw āka āsse oonissetōtumoowineyāk?

Numma na ke nissetowinānawaw, piko kākwi wuyoweetimík óche ā peétokwāskakoot ayiseyinew, numma ké nissewunachehik ;

19 Chikāma numoweya peétokwāmukuneyew oo' táik, maka wuták isse, mena wuyoweepuyew, ā pākétamukúk kákeyow mechima ?

20 Ākose omisse itwāo, Unima ka wuyoweemukúk ayiseyineék óche, āwukwāyew nāssewunachehikoot ayiseyinew.

21 Chikāma peétokwumayik óche, oo' tãewák óche ayiseyinewuk, óchepuyewa mucho mitoonāyéchekuna, psikwatissewina, mamowehitoowina, nippáhitoowina,

22 Kimotewina, ukawatumoowina, muchatissewina, keyaskewin, psikwache itatissewin, mucho kunowapútoowin, pastamoowin, kistāyimoowin, kukāpatissewin :

23 Kákeyow ohoo mucho kākwia peétokwumayik óchepuyewa, mena nissewunachehik ayiseyinew.

24 ¶ Ākose ākota óche pusikoo, mena itótāo sisooch Tyre mena Sidoník, mena peétokwāo peéche waskahikuník, mena ké nutowāyētum āka oweya kitta kiskāyētumeyit : maka numoweya ké kasoo.

25 Chikāma pāuk iskwāo, oo' taniseyewa ā ayawayit āka ā pākisseyit áchákwa, pátumeyewa, ākose pā itótāyewa mena púkisineyewa oo' sitik :

26 Una iskwāo oo Greekewēty, ā Syropheicianewit itta ā ócheet óche ; ākose pukosā-

yimāo kitta wuyowetissāwayit muche áchákwa oo' tanisa w'eyoweyéék óche.

27 Maka Jesus omisse itāo, Keyam pitta owasisuk kitta keespoowuk : chikāma numoweya náhepuyew kitta otinimeét owasisuk oot ayúk-onamewawa, ákose utimwuk kitta issewāpinum-átchik.

28 Ákose nuskwāwusehāo mena omisse itāo, Āhā, Tāpāyéhekāyun : ayewák utimwuk sepa mechesoowinátikoók mechewuk owasisa oo pewáhekuneyewa.

29 Ákose omisse itāo, Oma itwāwin óche kewā; muche áchák wuyoweew ke'tanis w'eyow-ík óche.

30 Ákose ispe wātétúk w'eke, miskowāo muche áchákwa ā ké wuyoweeyit, ákose oo' tanisa ā pimisineyit nippāwiník.

31 ¶ Ákose mena, ā sipwātāt Tyre mena Sidoník óche, pā itótāo wenepākoók Galileeík, ā sapótāt Decapolisík.

32 Ákose pātoowāwuk pāuk ā kukāpétayit, mena ā nayātawāyit ā pekiskwāyit ; ákose puk-osāyimāwuk kitta saminayit.

33 Ákose ākut itótahāo ayiseyineskāk óche, mena ustaw oo' chéchea peéche óo' towukuyeék, mena seékoo, ákose saminumwāo oo' tāyun-eyew ;

34 Ákose kéche kesikoók ā itapit, yúkut-amoo, ákose omisse itāo, Ephphatha, āwukwane, Paskétāpuye.

35 Ákose sāmāk óo' towukuya paskétāpuye-

yewa, mena oo' tãyuneweape apeêkopuyeyew, âkose ayumew metoone.

36 Âkose ayeechimão âka kitta wêtumowayit oweya: maka owusimã â wêtumowat, owusimã naspitch mistahe wêtumeyewa;

37 Mena naspitch â mamuskatumeyit, omisse â itwâyit, Kê totum kâkeyow kâkwia kwiusk: isehão ookukâpétawa kitta pâtumeyit, mena âka oonétawâwa kitta pekiskwâyit.

PISKÊTUSSINÂHIKUN VIII.

ÂWUKWUNEE kesikawa ookistukâwe ayiseyinewuk naspitch â méchâtitchik, mena âka kâkwi â ayatchik kitta mechitchik, Jesus nutomão oo kiskinôhumowakuna, mena omisse itão,

2 Ne kitimakinowawuk ookistukâwe ayiseyinewuk, chikâma âkwa nisto kesikawa ne kê wechâkwuk, âkose numoweya kâkwi ayawuk kitta mechitchik:

3 Mena keespin sipwâtissâwukwawe w'ekewâk isse â nôtâkutâtchik, kitta utte nôtâsinwuk: weya méchât wâyow â ôtôtâtchik.

4 Âkose oo kiskinôhumowakuna nusk-wâwusehik, Tantã ôche oweyuk kâ kê keespôyat ohoo ayiseyinewa ayûkonawa ôche ota pukwutchayik

5 Âkose kukwâchimão, Tantûto ayûkonawuk âyawâkook? Âkose omisse itwâyewa, Tâpukoóp.

6 Âkose itussoowatão ayiseyinewa kitta uppeyit uskeék: âkose otinão unehee tâpukoóp

ayûkonawa, mena nunaskomoo, mena pûkwānāo, mena meeyāo oo kiskinôhumowakuna kitta oonustwowayit ; ākose ké oonustwowāwuk ayiseyinewa.

7 Mena oot ayawāatawaw ateēt upistche kinosāsisa : mena meywukimāo, mena itussoowāo āwukwuneeussitche kitta oonustwowayit.

8 Ākose ké mechesoowuk, mena ké keespōowuk : ākose ké otinumwuk pewāchekuna ka ké nukutumoôt tāpukoóp wēkopewuta sakuskin.

9 Mena unekee ka ké mechesoowāpun nantow oo nāo kéche metatūto metunowāsēatawaw : ākose sipwātissāwāo.

10 ¶ Ākose sāmak poosew chemaník ussitche oo kiskinôhumowakuna, mena pā itôtāo pûke Dalmanuthaík.

11 Ākose Phariseewuk pā itôtāwuk, mena mache kukwāchimāwuk, ā nutonumwatchik mamāatawe kākwi kéche kesikoók ôche, ā wē kootāyimatchik.

12 Ākose mumāpināo mistahe oot āchākoók, mena itwāo, Tanāke okoo ayiseyinewuk wāche nutonúkik mamāatawe kākwi ? tapwā k' ititinawaw, Numoweya kitta ôche meeyawuk okoo ayiseyinewuk mamāatawe kākwi.

13 Mena ké nukutāo, ākose utte poosew chemaník mena ā sipwātāt kwāskukam isse.

14 ¶ Kiskinôhumowakunuk maka ké wunekiskissewuk kitta tûkonatchik ayûkonawa, mena numma wawach oot ayāatawaw kākwi

peéche chemaník owusimā piko pāuk ayúk-onawa.

15 Ākose kukāskimāo, omisse, Pāútuk, us-wāyétumook oot ópeéchehekunewaw Phari-seewuk, mena oot ópeéchehekun Herod.

16 Ākose āāyumehitoowuk, omisse, Āka ā ayawimayúk ayúkonawa.

17 Ākose ispe Jesus kāskāyétúk, omisse itāo, Tanāke wāche āāyumehitooyāk, āka ayúkonaw ā ayawāk? numma na chāskwa ke nissetowin-ānawaw, āpo kitta nissitótumāk? ket ayanawaw na kāyapitch ke' tāewaw ā muskowustāk?

18 Ā ayayāk miskesikwa, numma na ke wapútumanawaw? mena ā ayayāk mētowuk-uya, numma na ke pātānawaw? mena numma na ke kunokiskissinawaw?

19 Ispe ā peekonumowukik neyanun ayúk-onawa neyanun kéche metatútó metunow, tantútó wékopewuta sakuskin pewáhekuna ká otinumāk? Omisse itwāyewa, Metatút nesoosap.

20 Mena ispe tāpukoóp meätinumowukik nāo kéche metatútó metunow, tantútó wékopewuta sakuskin pewáhekuna ká otinumāk? Omisse itwāwuk, Tāpukoóp.

21 Ākose omisse itāo, Tanākeék āka ka nissetótumāk?

22 ¶ Ākose pā itótāo Bethsaidaik; ākose pātoowāwuk napāwa āka ā wapeyit, mena puk-osāyimāwuk kitta saminayit.

23 Ākose sukechéchānāo unehee napāwa āka

ka wapeyit, mena sipwâtahão waskahikuneskâk ôche ; âkose ispe kâ seêkwatumwat oo' skesik-oyewa, mena kâ saminat, kukwâchimão keespin kâkwi weâpûtumeyikwâ.

24 Âkose tustusapew, mena itwão, ne wapumawuk ayiseyinewuk tapiskooch mistikwuk, â pimôtâtchik.

25 Âkose mena saminumwão oo' skesik-oyewa, mena tustusapehão : âkose kê meeyyaw, mena kê wapumão kâkeyow oweya me-toone.

26 Âkose kewâtissâwão w'ekeyeék isse, omisse â itat, Âkaweya itôtâ waskahikuneskâk, âpo âkaweya oweyuk wétumow waskahikuneskâk.

27 ¶ Âkose Jesus wuyoweew, ussitche oo kiskinôhumowakuna, waskahikuneskâk isse Cesarea Philippiik : âkose â utte itôtâtchik kukwâchimão oo kiskinôhumowakuna, omisse â itat, Owâna âsitchik ayiseyinewuk ?

28 Âkose omisse itwâwuk, John Ooseekahâtakão : maka ateét Elias itwâwuk ; mena kotukuk, Pâuk okiskewâhikão.

29 Âkose omisse itão, Maka owâna keyawaw âtwâyâk ? Âkose Peter nuskwâwusehão mena omisse itão, Keya âwuko Christ.

30 Âkose wétumowão âka oweya kitta achimostowayit weya ôche.

31 ¶ Âkose mache `kiskinôhumowão, napão oo' Koosisan kitta kootâyétúk méchât kâkwia, mena kitta atowâyimikoot kâssâyinékûtumeyit,

ussitche kéche ayumehāwekemawa, mena oo-mussināhikāwa, mena kitta nippāheēt, mena ké nisto kesikayike kitta wuniskat mena.

32 Mena ké itwāo āwuko itwāwin moosisā. Ākose Peter otināo, mena mache kitootāo.

33 Maka ispe kā kwāskekapowit mena kā kunowapumat oo kiskinōhumowakuna, kitootāo Petera, omisse ā itwāt, N' ispiskwuník itôtā keya, Muche áchák: chikāma numoweya ke mamitoonāyētān unehee kākvia Munetoók ka ócheekee, maka unehee kākvia ayiseyineék ka ócheekee.

34 ¶ Ākose ispe kā nutomat ayiseyinewa ussitche oo kiskinōhumowakuna, omisse itāo, Piko una kā wé pimitissáhoot, keyam kitta anwātasoo, ākose kitta otinum oot ayimissewin, mena ne ga pimitissáhook.

35 Chikāma una kā wé pimachétat oo pimatissewin kitta wunétaw; maka una kā wunétat oo pimatissewin neya óche mena meyo achimoowin óche, āwuko kā pimachétat.

36 Chikāma kākwi kā ótissit ayiseyinew, keespin kuskétatche missewā uske, ākose wunehatche oot áchákwa?

37 Āpo kākwi meskooch ayiseyinew kā mākit oot áchákwa óche?

38 Oweyuk maka kā nunāpāwisestowit mena net ayumewina ota pisikwatissewe mena muchatissewe ayiseyineskák; āwukwune neesta napāo oo' Koosisan kā nunāpāwisestowat, ispe pā itôtátche oo muméchimikoowineyeék Oó'

tawea ussitché kunatché kéche utooskāyākuna.

PISKĒTUSSINĀHIKUN IX.

Ākose omisse itāo, Tapwā k' ititinawaw, Ateét ota ka nepowitchik, numoweya kitta kochis-tumwuk nippoowin, patima eyekoók ké wap-útúkwawe Muneto oot otānowewin kitta oché-
chepuyeyik keke soókatissewin.

2 ¶ Ākose ká nikootwaso kesikak Jesus wechāwāo Petera, mena Jamesa, ussitché Johna, ākose itótahāo itta ā ispuvik wutche ākut itta ā pāukootchik : ākose ké meskooche-nakosew ā wapumikoot.

3 Ākose oot ayoowinisa wasetāyewa, nas-pitch ā wapiskayikee tapiskooch koona ; eye-koók āka okechistākāhikāo ota uskeék kitta ké isse wapiskétat.

4 Ākose otétikwuk Eliasa ussitché Mosesa : mena weche pekiskwāmāwuk Jesusa.

5 Ākose Peter pekiskwāo mena omisse itāo Jesusa, Okemaw, meywasin ota kitta ayayúk : keyam ne ga osétanan nisto mekewāpa ; pāuk keya óche, mena pāuk Moses óche, mena pāuk Elias óche.

6 Chikāma āka ā kiskāyétúk tanse kitta itwāt ; weya naspitch ā sākissitchik.

7 Ākose wusko akowastāhookwuk : ākose ayumewin pātumwuk wuskók óche, omisse ā itwāyik, Āwuko owa ka sakehuk ne' Koosis : nutótāk.

8 Ākose sisekooch, ispe waska ká itapitchik, numoweya oweya owusimā wapumāwuk, piko Jesusa ā wechākootchik.

9 Ākose ā pā nétamutchewāitchik wutcheék óche, kunomāo āka kitta wétumowayit oweya káko kákvia ká wapútúkik, patima eyekoók napāwe-Koosisan ké wuniskatche nippoowiník óche.

10 Ākose ké kunowāyétumwuk āwuko itwāwin, ā kákukwāchétootchik kākwan āwuko wuniskawin nippoowiník óche.

11 ¶ Ākose kukwāchimāwuk, omisse, Tan-āke oomussināhikāwuk wáche itwāitchik Elias nekan kitta tukosin ?

12 Ākose nuskwāwusehāo mena wétumowāo, Elias nekan tapwā tukosin, mena kákeyow kákwi oonustaw; mena tanse ā isse itussināhikatāk napāwe-Koosisan óche, kitta koot-āyétúk méchāt kákvia, mena kitta atowāyimeét.

13 Maka k' ititinawaw, Elias assi tapwā tukosin, mena ké totowāwuk piko ā itāyétúkik, ka isse itussināhikatāyik weya óche.

14 ¶ Ākose ispe wātétat oo kiskinóhumowakuna, wapumāo ookistukāwe ayiseyinewa ā wechāwayit, mena oomussināhikāwa ā kákukwāchimayit.

15 Ākose sāmak kákeyow ayiseyinewuk, ispe weāpumatchik, naspitch ké mamuskatumwuk, ākose ā nachepáhatchik utumiskowāwuk.

16 Ākose kukwāchimāo oomussināhikāwa, Kākwan ka kukwāchimākook ?

17 Ākose pāuk ookistukāwe ayiseyineskāk
 óche nuskwāwusehāo mena itwāo, Okemaw,
 Ke kē pātwin ne' koosis, ā yawat áchákwa
 āka ā nétawāyit;

18 Mena piko ittā wātétinikootche, peek-
 opitik: mena peesetāwutamoo, mena kechees-
 kapitāo w'epita óche, mena utte kowákutoosoo :
 mena ne kē kukwāchimawuk ke kiskinóhum-
 owakunuk kitta wuyoweeetissáwatchik ; ākose
 numoweya kē kuskétawuk.

19 Nuskwāwusehāo, mena omisse itwāo, O
 āka wātapwātumoowineyāk aniskā peā óche-
 yāk, taneyekoók kinwās kā wechātukook ?
 taneyekoók kinwās kā pāhitukook ? pātoowik
 neya.

20 Ākose pātoowāwuk: ākose ispe wēap-
 umat, sāmak áchákwa peekopitik ; mena
 púkisin uskeék, mena tétipeew ā peesetāwut-
 amoot.

21 Ākose kukwāchimāo óo' taweyewa,
 Taneyekoók uspin oma ka kē otétikoot ? Ākose
 omisse itwāyewa, Ā owasisewit óche.

22 Mena méchātwaw kē muchoostāwāpinik,
 mena kē pukustowāwāpinik, kitta nissew-
 unachebikoot: maka keespin kākwi kā kē
 kuskétawunā, kitimakinowinan, mena weche-
 hinan.

23 Jesus omisse itāo, Keespin ke ga kē
 tapwātān, kákeyow kākwia wātuneyewa una
 ka tapwātúk.

24 Ākose sāmak óo' taweya una owasis

tāpwāo, mena omisse itwāo ā óchekowapit, Tāpayéche kāyun, ne tapwātān; wechéta numma ne tapwātumoowin.

25 Ispe Jesus weäpútúk ayiseyinewa ā pā mamowepāhitooyit, kitootāo áchákwa āka ka pākisseyit, omisse ā itat, Keya āka nātawāyun mena kākāpētāyun áchák, ke seékimitin, kitta pā wuyoweewut w'eyowik óche, mena ākaweya mena peétokwā w'eyowik.

26 Ākose áchák tāpwāo, mena peekopitāo naspitch, mena pā wuyoweew w'eyoweyeék óche: ākose tapiskooch oweyuk ā nippit ké isse ayaw; eyekoók issa piko méchāt ā itwātchik, Nippew.

27 Maka Jesus sukechéchānāo, mena ópināo; ākose wuniskayewa.

28 Ākose ispe ká peétokwāt waskahikunik, oo kiskinóhumowakuna kukwāchmik ā pāukootchik, Tanáke neyanan āka ka ké óche wuyoweetissáwukeét?

29 Ākose omisse itāo, Omatooa numoweya pikonuta kākwi óche wuyoweew, piko ayumehawin mena kowúkutāhoowin óche.

30 ¶ Ākose ākota óche sipwātāwuk, mena utte kupiskumwuk Galilee; mena ké itāyétum āka oweya kitta kiskāyétumeyit.

31 Weya ā ké kiskinóhumowat oo kiskinóhumowakuna, mena omisse ā ké itat, Napāo oo' Koosisan pukitinaw oo' chéchéwák isse ayiseyinewuk, mena kitta nippāhāwuk; mena ké nippāheétche, kitta wuniskaw ké nisto kesikayike.

32 Maka numoweya ké nissitôtumwuk āwuko itwāwin, mena ké nunéchewuk kitta kukwāchimatchik.

33 ¶ Ākose pā itôtāo Capernaumík : mena peéche waskahikuník ā ayat kukwāchimāo, Kākwan une ka ké pāche ayimotumatoooyāk māskunák ?

34 Maka numoweya kitoowuk : chikāma māskunák weyawaw káchewak oo ké ayimotumatootawaw, owāna kā mawutche kistāyé-takosit.

35 Ākose náuppew, mena nutomāo metatūt nesoosap, mena omisse itāo, Keespin oweyuk nutowāyétum kitta nekaneet, āwuko mawutche iskwayach kā ayat, mena kitta utooskāyakunewew mamowe.

36 Ākose otināo owasisa, mena áyāo tāta-witch oo kiskinóhumowakuna : mena ispe kā otinat oo' spitooník, omisse itāo,

37 Piko oweyuk kā otinakwā pāuk ākotoowe owasisa ne wéyoowiník, n' otinik neya ; mena piko oweyuk kā otinit, numoweya neya n' otinik, maka unehee ka ké pā issitissáhooyit.

38 ¶ Ākose John nuskwāwusehāo, omisse ā itwāt, Okemaw, ne ké wapumanan pāuk ā wuyoweetissáwat mucho áchákwā ke wéyoowiník, mena numoweya ke pimitissáhookonow : mena ne ké kitáhumowanan, chikāma numoweya ke pimitissáhookonow.

39 Maka Jesus omisse itwāo, Ākaweya kitáhumák : chikāma numoweya oweyuk étaw

kā totúk mamuskatche isséchékāwin ne wéyoo-winík, kā ké sāmak mucho ayimomit.

40 Chikāma una āka ka nayâtawehikoyúk ke wechehikonow.

41 Weya piko oweyuk kā meeyikoyāk ā sakuskināyik miníkwakunik nippe ne wéyoo-winík, chikāma Christ ā ootayanimimikoyāk, tapwā k' ititinawaw, numoweya kitta wunétaw oo tipáhumakoowin.

42 Mena piko oweyuk kā nayâtawehat pāuk ohoo upische aya ka tapwâtoweyit, owusimā kitta meywasiñew weya óche keespin pinepoochekune-usineya ukotimeét oo' kwyák, mena pukustowāwāpineét wene-pākoók.

43 Mena keespin ke' chéche ke nayâtawehikoon, munisa : owusimā meywasin keya óche kitta peétokwāyun pimatisséwiník ā maskisseyun, ispeéch ā ayayun nesoo-mechéchéa kitta itótāyun mucho iskoták, itta iskotāo āka wékach kā astowāk :

44 Itta oo munechoosimewawa āka kā nippeyit, mena iskotāo āka kā astowāk.

45 Mena keespin ke' sit ke nayâtawehikoon, munisa : owusimā meywasin keya óche kitta peétokwāyun pimatisséwiník ā maskisseyun, ispeéch ā ayayun nesoo mesita kitta issewāpin-ikoweyun mucho iskoták, itta iskotāo āka wékach kā astowāk :

46 Itta oo munechoosimewawa āka kā nippeyit, mena iskotāo āka kā astowāk.

47 Mena keespin k' iskesik ke nayâtawe-hikoon, munepita: owusimā meywasin keya ôche kitta peêtokwāyun Muneto oot otānowinik ā pāukwūk k' iskesik, ispeéch ā ayayun nesoo miskesikwa kitta issewāpinikoweyun muche iskotāk:

48 Itta oo munechoosimewawa āka kā nippeyit, mena iskotāo āka kā astowāk.

49 Weya kákeyow oweyuk kitta sewéta-kunáhoót iskotāo ôche, mena túto muchostā-humatoowin kitta sewétakunáhikatak sewétakun ôche.

50 Sewétakun meywasin: maka keespin sewétakun ká wunétamukúke oo sewétakunáhikāwin, tanta kā ké isse sewétakunahumāk? Kekeskumook sewétakun, mena meyo otoo-tāmétook.

PISKĒTUSSINÁHIKUN X.

Ākose pusikoo ākota ôche, mena pā itótāo Judeaík owusitā Jordaník ôche: ākose mena ayiseyinewa natik; mena, ka ké isse wéke totúk, kiskinóhumowāo mena.

2 ¶ Ākose Phariseewa pā natik, mena kukwāchimik, Meywasin na napāo kitta wā-pinat w'ewa? ā kootāyimatchik.

3 Ākose nuskwāwusehāo mena omisse itāo, Tanse Moses ká itussoowatikoyāk?

4 Ākose omisse itwāwuk, Moses ké eyinum-

akāo kitta mussināhumoôt wāpinitoowe mussināhikun, ākose kitta wāpinimeēt.

5 Ākose Jesus nuskwāwusehāo mena omisse itāo, Āspeêche muskowustāyik ke' tāewaw ke ké mussināhumakoowaw oma oonussoowāwin.

6 Maka mitchimach nistum ā uskeewúk ôche Muneto ké osehāo napāwa mena isk-wāwa.

7 Āwuko oma ôche napāo kā ôche nukutat ôo' taweya mena oo' kaweya, ākose kitta wechāwat w'ewa ;

8 Ākose ā nesitchik kitta pāukwun meyas : ākose numoweya owusimā nesewuk maka pāukwun meyas.

9 Unima maka Muneto ka ké mamowenúk, ākaweya oweyuk kitta nunanischenum.

10 Ākose peêche waskahikuník oo kiskinôhumowakuna kukwāchimik mena āwukwāyew kāyapitch ôche.

11 Ākose omisse itāo, Piko oweyuk kā wāpinakwā w'ewa, mena kā kéche wekimakwā kotuka, totum pisikwatissewin.

12 Mena keespin iskwāo wāpinatche oo napāma, mena kéche wekimatche kotuka totum pisikwatissewin.

13 ¶ Ākose pātoowāwuk oskowasisa, kitta saminat : ākose oo kiskinôhumowakuna kitoo-tāyewa unehee ka pāsewayit.

14 Maka ispe Jesus weāpūtúk, naspitch numma nāāyétum, mena omisse itāo, Eyinum-

ākook upistowasisuk kitta pā nasitchik, mena ākaweya kitahumākook: chikāma tūto ka nuspitakootchik Muneto oot otānowiník kitta ayawuk.

15 Tapwā k' ititinawaw, Piko oweyuk āka kā otinumookwā Muneto oot otānowewin tapiskooch upistowasis, numoweya kitta peét-okwāo ākota.

16 Ākose otināo oo' spitooník, samināo oo' chécheya óche, mena meywukimāo.

17 ¶ Ākose kā sipwātāt māskunák isse, pā itōtāyewa pāuk ā pimepūtayit, mena ochéchék-wunuppestak, mena kukwāchimik omisse, Meyo Ookiskinóhumakāo, kākwan kā totuman kitta ké ayayan kakekā pimatissewin?

18 Ākose Jesus omisse itāo, Tanāke meywatis wāche iseyun? numma oweyuk meywatissew piko pāuk, āwuko, Muneto.

19 Ke kiskāyētān oonussoowāwina, Ākaweya pisikwatisse, Ākaweya nippātakā, Ākaweya kimootē, Ākaweya nuspach isse misékāmoo, Ākaweya wuyāsehewā, Kistāyim k' otawe mena ke' kawē.

20 Ākose nuskwāwusehik mena omisse itik, Ookiskinóhumakāo, kákeyow ohoo ne ké nakutowāyētān ā owasiseweyan óche.

21 Ākose Jesus ā kunowapumat sakehāo, mena omisse itāo, Pāuk kākwi ke nōtāpuyin: kewā, nutowe utawakā piko kākwi ka ayayun, mena meeyik ookitimakissewuk, ākose ke ga ayan wāyootissewin kéche kesikoók: mena pā

itôtā, ākose otina ket ayimissewin, mena pimitissáhoon.

22 Ākose numma ké náāyétum āwuko itwāwin óche, mena sipwátāo āka ā náheyowāsít : chikāma ā ayāpun méchāt kākwia.

23 ¶ Ākose Jesus waska itapew, mena omisse itāo oo kiskinóhumowakuna, Taneyekoók ukawach unekee ka ayatchik wāyootissewina kā ké peétokwāchik Muneto oot otānowiník !

24 Ākose kiskinóhumowakunuk mamuskatumwāwuk oot ayumewineyewa. Maka mena Jesus nuskwāwusehāo, mena omisse itāo, Owasisetik, taneyekoók eyayimuneyik weyawaw óche unekee ka mumiseetotúkik wāyootissewina kitta peétokwāchik Muneto oot otānowiník !

25 Nowutch wātuneyew pisiskew kitta sapooyúkeet itta ā oskesikoowuneyik sapoonikun, ispeéch ā wāyootissit napāo kitta peétokwāt Muneto oot otānowiník.

26 Ākose naspitch kéche mamuskatumwuk, omisse ā ititootchik, Owāna maka kā ké pimatchehoot ?

27 Ākose Jesus ā kunowapumat omisse itwāo, Ayiseyinewuk weya numoweya ké ékin-eyew, maka numoweya ākose Muneto : chikāma weya Muneto kákeyow kākwia ké ékinewewa.

28 ¶ Ākose Peter omisse mache itāo, Cheest, ne ké nukutānan kákeyow, mena ke ké pimitissáhootinan.

29 Ākose Jesus nuskwāwusehāo, mena

omisse itwāo, Tapwā k' ititinawaw, Numma oweyuk étaw ka ké nukutúk waskahikun, ápo oo' chewama, ápo oot' owāmawa, ápo oó' taweya, ápo oo' kaweya, ápo w'ewa, ápo oot owasimisa, ápo oot uskeema, neya óche, mena meyo achimoowin óche,

30 Maka kitta ótinum metatút metunow owusimā eyekoók unoóch, waskahikuna, mena oo' chewama, mena oot' owāmawa, mena oo' kaweya, mena oot owasimisa, mena oot uskeema, ayimissewina ussitché; mena kotuk uske kā ochéhepuyik kakekā pimatissewin.

31 Maka méchāt nekan ka ayatchik otanák kitta ayawuk; mena otanák ka ayatchik nekan kitta ayawuk.

32 ¶ Mena mās kunák oot ayátawaw Jerusalemík ā itótatchik; ākose Jesus nekanótowāo: ākose mamuskatumwuk; mena māk-wach ā pimitissáwatchik, sākissewuk. Ākose mena otināo metatút nesoosap, mena mache wétumowāo kāko kākvia kā otétikoot,

33 Omissé ā itwāt, Cheest, ket itótānow Jerusalemík; ākose napāo oo' Koosisan kitta pukitinumowawuk kéche ayumehāwekemawuk, mena oomussināhikāwuk; ākose kitta pukitussoowatāwuk nippoowiník isse, mena kitta pukitinumowāwuk Ayúch eyinewa:

34 Ākose kitta mātōwakatāwuk, mena kitta pusustāwāwuk, mena kitta seékwatāwuk, mena kitta nippāhawuk: ākose nistoo kesikayike kitta wuniskaw mena.

35 ¶ Ākose James mena John, oo' koosisa Zebedee, pā natik, omisse ā itwāyit, Ookisk-inôhumakāo, net itāyētānan kitta totāstum-oweyāk piko ā isse nutowāyētumāk.

36 Ākose omisse itāo, Kākwan ātāyētumāk kitta totāstumatokook?

37 Ākose omisse itāwuk, Meeyinan kitta ké uppeyāk, pāuk ke kéche niskík, ākose kotuk ke' numútiniskík, ke kistāyētakosewiník.

38 Maka Jesus omisse itāo, Numoweya ke kiskāyētānawaw kākwan nātotumayāk: ke ga ké na miníkwānawaw miníkwakuník itta ka óche miníkwāyan? mena kitta seekahátakoweyāk unima seekahátakoowin ka óche seekahátakoweyan?

39 Ākose omisse itāwuk, Ne ga ké kuskétānan. Ākose Jesus omisse itāo, Tapwā ke ga miníkwānawaw miníkwakuník itta ka óche miníkwāyan; mena unima seekahátakoowin ka óche seekahátakoweyan āwuko kā óche seekahátakoweyāk:

40 Maka kitta uppeék ne kéche niskík mena ne' numútiniskík nummayāo net ayan kitta mākeyan; maka kitta meeyawuk unekee ka kwyachétwátchik.

41 Ākose ispe metatút peátúkik, naspitch mache numma náāyētumehikwuk Jamesa mena Johna.

42 Maka Jesus nutomāo, mena omisse itāo, Ke kiskāyētānawaw unekee ka itukimeétchik kitta tipāyismatchik Ayúch eyinewa tipetotum-

wuk tipāyēchekāwin ā tipāyimatchik; mena oo kēchayimewawa tipāyimikwuk.

43 Maka numoweya ākose ke ga isse ayanawaw keyawaw: maka una kā nutowāyētūk kitta kēchayewit keyawaw, āwuko kā ootut-ooskāyakunimeyāk:

44 Mena piko oweyuk keyawaw ōche kā nutowāyētūk kitta mawutche kēchayewit, kitta utooskāyakunewew mamowe.

45 Chikāma āpo napāo oo' Koosisan numoweya kitta utooskāstāt ké ōche pā itōtāo, maka kitta utooskāstakāt, mena kitta mākit oo pimatissewin kitta tipāhikāstumakāwuneyik méchāt ōche.

46 ¶ Ākose tukosinwuk Jerichoik: mena ā utte wuyoweet Jerichoik ōche ussitche oo kisk-inōhumowakuna mena méchāt ayiseyinewa, āka ka wapit Bartimeus, oo' Koosisa Timeus, uppew ōpimāskunāk ā pukosēt wat.

47 Ākose ispe peātūk āwukwune Jesusa Nazarethik ka ōcheeyit, mache tāpwāo soōke, mena omisse itwāo, Jesus, keya David oo' koosisa, kissāwatotowin.

48 Mena méchāt wētumak kitta kipétoowāt: maka tāpwāo owusimā naspitch soōke, David oo' koosisa, kissāwatotowin.

49 Ākose Jesus kipéchekapowew, mena itussoowāo kitta nutomimeēt. Ākose nutomāwuk unehee napāwa āka ka wapeyit, omisse ā itatchik, Meywāyēta, pusikoo; ke nutomik.

50 Ākose, ā wāpinúk oot ukohoon, pusikoo, mena pā natāo Jesusa.

51 Ākose Jesus pekiskwāo mena omisse itāo, Kākwan nātowāyétumun kitta totatan? Āka ka wapit napāo omisse itāo, Tāpāyéchekāyun, kitta ké ótinuman ne wapewin.

52 Ākose Jesus omisse itāo, Neyá kewā; ke tapwátumoowin ke ké pimachehikoon. Ākose sāmak ké ótinum oo wapewin, mena pimitis-sāwāo Jesusa māskunák.

PISKÉTUSSINÁHIKUN XI.

Ākose ispe kissewak wātétúkik Jerusalem, Bethphage mena Bethanyík isse, wutcheék Oliveík, sipwātissāwāo nesoo oo kiskinóhumowakuna,

2 Mena omisse itāo, Neyák itótāk waskahikuneskāk ke nekanimewāk: ākose sāmak ké peétokwāyāko, ke ga miskowawaw soosoo-wuschimoos ā túkopisoot, āka wékach oweyuk ā ké tātuppit; apáhoók, mena pāseék.

3 Mena keespin oweyuk omisse itikoyāko, Tanāke oma wáche totumāk? itwāk Okemaw nutowāyimāo; ākose sāmak kitta pā issitissāwāo ota.

4 Ākose sipwātāwuk, mena miskowāwuk soosoo-wuschimoosa ā túkopisooyit wuyowee-timiskwāt itta nesoo māskunowa ā nukiskoot-atomukuneyikee; ākose apāwāwuk.

5 Ākose ateét unekee ka nepowitchik ākota

omisse itāwuk, Tanāke wāche totumāk, ka apāwāk soosoowuschimoos ?

6 Ākose itāwuk ā kē isse itusoowatikootchik Jesusa : ākose pukitināwuk.

7 Ākose soosoowuschimoosa pātoowāwuk Jesusa, mena tātustawuk oot ukohoonewawa ; ākose tātuppew.

8 Mena méchāt tuswākustawuk oot uko-hoonewawa māskunāk : ākose kotukuk mune-wāpāhumwuk wutikwuna mistikoók óche, mena peewustawuk māskunāk.

9 Ākose unekee ka nekanótātchik, mena unekee ka pimitissáhikātchik, tāpwāwuk, omisse ā itwātchik, Hosanna ; Sowāyétakosew una ka pā itótāt oo wéyoowineyeék isse ka Tipāyéche-kāyit :

10 Kitta wé sowāyétakwuneyew oot otān-owewin k' otawenow David, ka pā itótāmuk-uneyik oo wéyoowineyeék isse ka Tipāyéche-kāyit : Hosanna mamowāyus āspākāyé-takosit.

11 Mena Jesus peétokwāo Jerusalemík, mena peéche kéche ayumehāwekumikoók : ākose ispe waska ká kunowapútúk kákeyow kākwia, mena maka ā otakosik ochéhepuyew, wuyoweew Bethanyík isse ussitche metatút nesoosap.

12 ¶ Ākose ā wapuneyik, ispe pēā kewātchik Bethanyík óche, noótākutāo :

13 Ākose ā wapumat meenisátikwa wāyow ā oonepeemeyit, pā itótāo, keespin maskooch

kā ké miskumookwā kākwi ākota: ākose ispe wātétat, pisisik nepeeya miskum; chikāma eyekoók ka wéke otinumeék meenisa numma āskwa ochéhepuyeyew.

14 Ākose Jesus pekiskwāo mena omisse itāo, Nummāweyuk kitta mechew meenisa keya óche unoóch óche kakekā. Mena oo kiskinóhumowakuna pātumeyewa.

15 ¶ Ākose tukosinwuk Jerusalemik: mena Jesus peétokwāo kéche ayumehāwekumikoók, mena mache wuyoweewāpināo unehee ka utawakāyit mena ka utawāyit peéche kéche ayumehāwekumikoók, mena kwutuppewāpinumwāo oo mechesoowinátikooyewa unehee ka meskootoonayit sooneyawa, mena oot uppewineyewa unehee ka utawakāyit oomémeewa;

16 Mena numma wawach ké eyinumowāo oweya kitta pimótutayit nantow toowe usewutchekun peéche kéche ayumehāwekumikoók.

17 Ākose kiskinóhumakāo, omisse ā itat, Numma na itussināhikatāo, N' eké kákeyow ayiseyinewuk mowimoschekāwe waskahikun kitta issenikatumwuk? maka ke ké isétanawaw ookimotiskewuk oo watewaw.

18 Mena oomussināhikāwuk ussitche kéche ayumehāwekemawuk pātumwuk, ākose nutoonumwuk tanse kitta ké isse nissewunachehatchik: weya ā koostatchik, chikāma kákeyow ayiseyinewa mamuskatumeyewa oo kukāskimawusoowin.

19 Ākose ispe wātakosineyik, wuyoweew kéche waskahikuneskák óche.

20 ¶ Ākose ā kākesāpayayik, ā utte pim-ótatchik, wapumāwuk meenisátikwa ā pasooyit wutuppeék óche.

21 Ākose Peter ā kunokiskissit omisse itāo, Ookiskinóhumakāo, wapum, una meenisátik ka ké muchukimut pasoo.

22 Ākose Jesus pekiskwāo mena omisse itāo, Tapwáták Muneto.

23 Weya tapwā k' ititinawaw, Piko oweyuk kā itúk oma wutche, Ākut wé ayá, mena ke ga wé issewāpinikowin wenepākoók; mena āka kā sakwāyimookwā oo' táik, maka kā tapwátumookwā unehee kākwia ka itwāt kitta ékineyikee; kitta ayaw piko kākwi kā itwāt.

24 Āwuk' óche k' ititinawāw, Piko kākwia kā nutowāyétumāk, ispe āyumehayāko, tapwátumook kitta ké ótinumāk, ākose ke ga ayanawaw.

25 Mena mākwach neyepoweyākokitta ayumehayāk, usānumakāk, keespin oweyuk nantow ket isse nayātawāyimawaw: k' Ótawewaw neesta kéche kesikoók ka ayat kitta ké usānumatāk ke wunetotumoowinewawa.

26 Maka keespin āka usānumakāyāko, numoweya neesta k' Ótawewaw kéche kesikoók ka ayat kitta usānum ke wunetotumoowinewawa.

27 ¶ Ākose mena pā itótāwuk Jerusalemík: ākose mākwach ā pimótāt peéche kéche ayumehāwekumikoók, pā natik kéche ayumehāweke-

mawa, mena oomussinâhikāwa, ussitche kāsā-yineékútumeyit,

28 Mena omisse itik, Kāko tipāyéhekāwin wāche totumun ohoo kākvia ? mena owāna kā meeyisk oma tipāyéhekāwin kitta totumun ohoo kākvia ?

29 Ākose Jesus nuskwāwusehāo mena omisse itāo, Neesta ke ga kukwāchimitinawaw pāuk kukwāchétoowin, ākose wétumowik, ākose ke ga wétumatinawaw kāko tipāyéhekāwin wāche totuman ohoo kākvia.

30 Oo seekahātakāwin John, kéche kesikoók na óchemukuneyew, ápo na ayiseyineék óche ? wétumowik.

31 Ākose āyume hitoowuk, omisse ā itwātchik, Keespin itwāyúko, Kéche kesikoók óche ; kitta itwāo, Tanáke maka āka wāche ké tapwātowāk ?

32 Maka keespin itwāyúko, Ayiseyineék óche ; koostāwuk ayiseyinewa : weya kákeyow ayiseyinewuk ā ké itukimatchik Johna, ā okiskewāhikāweyit tapwā.

33 Ākose pekiskwāwuk mena omisse itāwuk Jesusa, Numoweya ne ké wétānan. Ākose Jesus pekiskwāo mena itāo, Neesta numoweya ke ga wétumatinawaw kāko tipāyéhekāwin óche wāche totuman ohoo kākvia.

PISKÉTUSSINĀHIKUN XII.

ĀKOSE mache ayumehāo ā uspahakāmoot.

Pāuk una napāo kistikatum meenisátiko-kistikan, mena waska mānekatum, mena moon-āhum itta meenisapōe kā usowutāyik, mena oonuskitaw usowapewekumik, mena owehāo ookistikāwe napāwa, ākose itótāo wāyow isse.

2 Ākose ispe wāchéhepuyeyik issitissāwāo utooskāyakuna kitta natayit ookistikāwe napāwa, kitta ké meeyikoot meenisa ookistikāwe napāwa meenisátiko-kistikaník óche.

3 Ākose otétināwuk, mena pusustāwāwuk, mena sipwātissāwāwuk pisisik.

4 Ākose mena issitissāhumowāo kotuka ut-ooskāyakuna; ākose āwukwune pimwusinā-hāwuk, mena miswakunékatāwuk oo' stikwan-eyeék, mena sipwātissāwāwuk ā nunāpāwenak-oseyit.

5 Ākose mena issitissāwāo kotuka; ākose āwukwune nippāhāwuk, mena méchāt kotuka; ā pusustāwatchik ateét, mena ateét ā nippā-hatchik.

6 Ā ayawat kāyapitch maka pāuk oo' koosisa, ayewak ā sakehat, āwukwune ussitche isk-wayaník issitissāhumowāo, omisse ā itwāt, Kitta koosikwāyimāwuk ne' koosisa.

7 Maka unekee ookistikāwe napāwuk omisse ititoowuk, Āwuko owa kā aniskā tipāyétúk; ākwa, máte nippāhatan, ākose ke ga tipāyé-tānow.

8 Ākose otināwuk, mena nippāhāwuk, mena wuyoweewāpināwuk meenisátiko kistik-aník óche.

9 Kākwan maka una ka tipāyētúk meenis-
ātiko-kistikan kā totúk? kitta pāche nissew-
unachehāo ookistikāwe napāwa, ākose kotuka
kitta meeyāo meenisātiko-kistikan.

10 Mena numma na k' óche ayumétanawaw
oma kéche mussināhikāwin; Unehee usineya
oowaskahikāwuk ka ké atowāyismatchik āwuko
kistāyaw kékāyāk:

11 Āwuko oma ka Tipāyéchekāt oot ito-
tumoowin, mena mamuskatāyétakwun k' iske-
sikonák?

12 Ākose nutonumwuk kitta otinatchik,
maka koostāwuk ayiseyinewa: chikāma kiskā-
yétumwuk weyawaw ā ké uspahakāmototak-
ootchik: ākose nukutāwuk, mena sipwātāwuk.

13 ¶ Ākose issitissāhumowāwuk ateét Pha-
riseewa mena Herodiana, kitta nukwatatchik oot
ayumewineyeék.

14 Ākose ispe tākooseékik, omisse itāwuk.
Ookiskinóhumakāo, ne kiskāyétānan ā tap-
wāyun, mena numoweya oweyuk ke nunéchees-
towaw: chikāma numoweya ke pisiskāyétān
āsse ayatchik ayiseyinewuk, maka ke kiskinó-
humakan oot itatissewin Muneto tapwāwinik:
Kwiuskwun na kitta meeyeét sooneyawa Cesār,
āpo na numma?

15 Ne ga mākinan na, āpo na numma ne
ga mākinan? Maka weya, ā kiskāyétumwat
oo kukayāyissewineyew, omisse itāo, Tanāke
wāche kootāyimeyāk? pātoowik sooneyawap-
iskoos, kitta ké wapumuk.

16 Ākose pāsewāwuk. Ākose omisse itāo, Owāna oma oot issenakosewin mena mussin-āhikāwin? Ākose omisse itāwuk, Cesar.

17 Ākose Jesus nuskwāwusehāo mena omisse itāo, Meeyeék Cesar unehee kākwia ka ootayanit Cesar, mena Muneto unehee kākwia ka ootayanit Muneto. Ākose mamuskatāwuk.

18 ¶ Ākose pēā natikoot Sadduceewa, numma tukwun wuniskawin ka itwātechik; ākose kukwāchimāwuk, omisse ā itwātechik,

19 Ookiskinōhumakāo, Moses ne ké mus-sināhumakonan, Keespin oweyuk oo' chewama nippeyitchē, mena nukutayitchē w'eweyewa otanāk, mena āka nukutayitchē owasisa, oo' chewama kitta otinayit w'ewa, ākose kitta nēta-wekētumowat owasisa oo' chewama.

20 Oot étāwawwaw maka tāpukoóp ā ooche-wamētootchik: ākose una nistum otināo isk-wāwa, ākose ā nippit numma wawach nukutāo owasisa.

21 Ākose utte uskoóch otināo unehee isk-wāwa, mena nippew, ākose neesta numma wawach nukutāo owasisa: ākose utte uskoóch ākose kāyapitch.

22 Ākose tāpukoóp ka itusitchik ké ayawā-wuk, mena numma wawach owasisa ké nukutā-wuk: mawutche iskwayaník maka una iskwāo nippew neesta.

23 Wuniskawiník maka, ispe wuniskatwawe, owāna kā wewit ka itusitchik? weya āsse tāpuk-oópwasitchik ā ké wewitchik.

24 Ākose Jesus nuskwāwusehāo mena omisse itāo, Numma na maka ke putahānawaw, chik-āma āka ā kiskāyētumāk kéche mussināhikāwina, āpo Muneto oo soókatissewin?

25 Weya ispe wuniskatwawe nippoowinik óche, numoweya kéche wekétoowuk, āpo kéche wekétāhitoowuk; maka nuspitowāwuk kéche utooskāyakuna kéche kesikoók ka ayayit.

26 Maka weya oonippewuk, kitta wuniskat-chik: numma na k' óche ayumétanawaw oo mussināhikāwinik Moses, tanse piskoókopāk Munetoowa ká isse ayumehikoot, omisse ā itwāyit, Neya oo Munetooma Abraham, mena oo Munetooma Isaac, mena oo Munetooma Jacob?

27 Numoweya Munetoskowāo oonippewa, maka Munetoskowāo ka pimatisseyit: āwuk' óche maka naspitch ke putahānawaw.

28 ¶ Ākose pāuk oomussināhikāo pā itótāo, mena ā ké pātowat ā ayumehitooyit, mena ā nissitótúk meetoone ā ké nuskwāwusehayit, kukwāchimāo, Tananima mawutche nistum oonussoowāwin ka ítúteékee?

29 Ākose Jesus omisse isse nuskwāwusehāo, Mawutche nistum oonussoowāwina ka ítúteékee oma, Nutóta, O Israel; Ka Tipāyéhekāt ke Munetoomenow pāukoo ā Tipāyéhekāt:

30 Mena ke ga sakehaw ka Tipāyéhekāt ke Munetoom missewā ke' tā óche, mena missewā ket áchák óche, mena missewā ke mitoonāyéhekun óche, mena missewā ke

muskowisseewin óche : áwuk' oma nistum oonussoowāwin.

31 Ākose uskoóch ākose kāyapitch, oma ote, Ke ga sakehaw keeche ayiseyinew moyam ka isse sakehisooyun. Numma tukwun oonussoowāwin owusimā ā itāyétakwúk ispeéch ohoo.

32 Ākose oomussināhikāo omisse itāo, Tapwā, Ookiskinóhumakāo, ke ké itwan tapwāwin : weya ā état pāuk Muneto ; mena numma oweyuk étaw piko weya :

33 Mena kitta sakeheét missewā metā óche, mena missewā nissitótumoowin óche, mena missewā áchák óche, mena missewā muskowisseewin óche, mena kitta sakehat weche ayiseyinewa moyam ka isse sakehisoot, owusimā itāyétakwun ispeéch kákeyow missewā muchoostāhumakāwina mena tipetotumakāwina.

34 Ākose ispe Jesus weäpútúk ā kukāta-wāyétumoowe itwāyit, omisse itāo, Numoweya wáyow ket ayan Muneto oot otānowik óche. Ākose numma oweya uskoóch áwuko ké kukwāchimik nantow kukwāchétoowin.

35 ¶ Ākose Jesus pekiskwāo mena omisse itwāo, mākwach ā kiskinóhumakāt peéche kéche ayumehāwekumikoók, Tanāke oomussināhikāwuk wáche itwāčhik Christ David oo' koosisa ?

36 Chikāma David weya káchewak ké itwāo ka Kunatisseyit Áchákwa óche, Ka Tipāyéchekāt ké itāo ne Tipāyéchekāma, Uppe keya ne kéche-niskík, eyekoók kā issehukik ke pukwachekunuk kitta ootuspisitāsimooyun.

37 David maka weya kâchewak ka Tipā-yêchekât itão ; tantā maka wâche ookoosisit ? Ākose ookitimakissewa pātak keke mumātak-osewin.

38 ¶ Ākose omisse itão oo kukāskimawusoo-winik, Uswāymeékook oomussināhikāwuk, ka sakêatchik kitta pupamôtatchik ā kekeskûkik ā kistâyêtakwineyikee ayoowinisa, mena ka sakêatchik utumiskatoowina utătoowinik,

39 Mena kêche uppewina ayumehāwekumik-oók, mena ā mawutche ispuyikee piskêtche waskahikuna wékôtoowinik :

40 Ka nissewunachêatchik oonuputāpewa oo waskahikuneyewa, mena ā wê wayāsehe-wāatchik kinwātaawuk oot ayumehawinewawa : okoo kitta ôtinumwuk mistahe owusimā nissew-unachehoowin.

41 ¶ Ākose Jesus uppew tipiskooch itta ka otinimeêt sooneyawa, mena wapumão ayiseyinewa āsse peêchewāpinayit sooneyawa peêche itta ka otinimeêt sooneyawa : mena méchāt ā wāyootissitchik mistahe peêchewā-pināwuk.

42 Ākose pā itôtão pāuk ā kitimakissit oonuputāpew, mena peêchewāpināo nesoo mawutche upistche sooneyawapiskoosa, pāuk upistche sooneyawapiskoos ka ispuyitchik.

43 Ākose nutomão oo kiskinôhumowakuna, mena omisse itão, Tapwā k' ititinawaw, Owa kitimake oonuputāpew mistahe nowutch kê peêchewāpināo, ispeêch kâkeyow unekee kā kê

peéchwāpinikāitchik, sooneyawa itta ka otinimeēt :

44 Chikāma kákeyow ké peéchwāpinikāwuk oo wāyootissewinewák óche ; maka weya oo kwetumawiník óche ké peéchwāpinum kákeyow ka ké ayat, kákeyow ote ka ké ayat kitta óche pimatissit.

PISKĒTUSSINĀHIKUN XIII.

Ākose ā utte wuyoweet kéche ayumehāwekumikoók óche, pāuk oo kiskinóhumowakuna omisse itik, Ookiskinóhumakāo, cheest wapūta toowe usineyuk mena toowe waskahikāwina āyakee ota !

2 Ākose Jesus pekiskwāo mena omisse itāo, Ke wapūtān na ohoo kéche waskahikāwina ? numoweya kitta nukutaw pāuk usine túkoóch kotuka, āka kitta neéche wāpineēt.

3 ¶ Ākose mākwach ā uppit túkoóch wutcheék Oliveík tipiskooch kéche ayumehāwekumik, Petera mena Jamesa mena Johna ussitche Andrewa kukwāchimik ā pāukootchik,

4 Wétumowinan, tanspe ohoo kākvia kā ochéhepuyikee ? mena tanse kā issenakwúk ispe kákeyow ohoo kākvia tipepuyikwawe ?

5 Ākose Jesus ā nuskwāwusehat omisse mache itwāo, Pāūtuk āka oweyuk kitta wayāsehkoyāk :

6 Weya méchāt kitta pā itótāwuk ne wéyoowiník isse, omisse kitta itwāitchik, Neyā Christ ; mena méchāt kitta wayāsehāwuk.

7 Mena ispe pātumāko nutopuyewina mena ā atochekatakee nutopuyewina, ākaweya keyawaw mikooskatāyētumook: weya ākotoowe kākwia ōchetow kitta ékeékee; maka iskwayanik numma āskwa kitta ochéhepuyew.

8 Weya ā pāukoskanāmukissitchik ayiseyinewuk kitta nutopuyeestowāwuk petooseskanāmuk ayiseyinewa, mena otānow petoose otānoweyew: mena kitta kékeékwun nunatoók itta, mena kitta étukwunwa kowúkutāwina mena ayimissewina: āwukwunee ohoo ā machepuyikee kukwatukāyimoowina.

9 Maka nakutowāyimisook: chikāma ke ga pukitinikoowawuk oonussoowāwinik isse; mena peéche ayumehāwekumikoók ke ga pusustāhookowinawaw: mena ke ga pāseekowinawaw oot astumewinewāk oonussoowāwuk mena kéche okemawuk neya ōche, āwukwāyew kitta misimikootchik.

10 Mena meyo achimoowin nekan kitta wētumowawuk ā túto skanāmukissitchik ayiseyinewuk.

11 Maka ātótahikoyākwawe, mena pākitinikoyākwawe, ākaweya neyak mamitoonāyētumook tanse kā itwāyāk, āpo kwyachétak tanse kā itwāyāk: maka piko kākwi kā meeyikoweyāk āwuko tipāhikun, āwuko pekiskwāk: chikāma numoweya keyawaw ka ayumeyāk, maka ka Kunatissit Áchák.

12 Wāchewameék kitta pukitusoowatāo oo' chewama nippoowinik isse, mena otawemaw

oo' koosisa; mena owasisuk kitta pusikostow-
āwuk oo' nekehikoowawa, mena kitta itus-
oowatāwuk kitta nippāhimeēt.

13 Mena kākeyow ayiseyinew ke ga puk-
watikoowaw ne wéyoowin óche: maka una kā
ayat iskwayach isko, āwuko kā pimacheheēt.

14 Maka ispe wapūtumāko unima multe
kākwi nissewunachehoowinik isse, ka ayim-
ootúk Daniel okiskewāhikāo, ā nepowemukúk
itta āka kitta ké ayamukunopun, (una ka
ayumécheekāt keyam kitta nissitótum,) ākose
keyam unekee Judeaík kā ayatchik wutcheék
kitta itamoowuk:

15 Mena una ka ayat túkoóch waskahikuník
ākaweya kitta nétukoseew waskahikuník isse,
āpo ākaweya kitta peétokwāo ākota, kitta
otinúk nantow kākwi w'ekeék óche:

16 Mena una ka ayat peéche kistikaník
ākaweya kawē kitta kewāo kitta otinúk oot
ukohoon.

17 Maka kitta mayeayawuk unekee kā ke-
keskowatchik owasisa, mena unekee kā noóya-
wusootchik āwukwunee kesikawa!

18 Mena ayumehak ke tupuseewinewaw āka
ā pipóók kitta ayak.

19 Chikāma āwukwunee kesikawa kitta
étukwun ayimissewin, toowa āka wékach ā ké
étukwúk mitchimach mistum ā uskeewúk óche
Muneto ka ké osétat peeyis unoóch isko, mena
numoweya kitta étukwun.

20 Mena keespin āka ka Tipāyécheekāt ké

chukowasisétat āwukwunee kesikawa, num-
oweya oweyuk kitta ké pimacheháty: maka
nowusoonakunuk óche, ka ké nowusoonat, ké
chukowasisétaw āwukwunee kesikawa.

21 Mena keespin oweyuk omisse itikoyāko,
Cheest, oweeta Christ; ápo, cheest, unitta
ayaw; ākaweya tapwáták:

22 Chikāma nuspach Christuk mena nus-
pach okiskewāhikāwuk kitta pusikoowuk, me-
na kitta wapúteyewāwuk kiskāhikuna mena
mamuskatumoowina, kitta kukwācheesehewāt-
chik, keespin ké kuskétatwawe, ápo nowusoon-
akuna.

23 Maka nakutowāyétumook keyawaw:
cheest, ke ké wétumatinawaw kákeyow kākvia
neyakuna.

24 ¶ Maka āwukwunee kesikawa, ké maya-
wepuyike āwuko ayimissewin, peesim kitta
wunetipiskissew, mena tipiskawe peesim num-
oweya kitta mākew oo wastām,

25 Mena utchúkosuk kéche kesikoók ka
ayatchik kitta púkisinwuk, mena soókatissewina
ka ayakee kéche kesikoók kitta nunumepuy-
ewa.

26 Ākose ākota kā wapumatchik napāwe-
Kooisana ā pā itótāyit wuskoók keke kéche
soókatissewin mena kistāyétakosewin.

27 Ākose ākota kā issitissáwat oo kéche
utooskāyakuna, ākose kitta mawusukonāo oo
nowusoonakuna nāoo yootinoók óche, ā mawut-
che kisipak uske óche peeyis ā mawutche
kisipak kéche kesik isko.

28 Ākwa kukwā kiskāyētumook uspahak-āmoowin meenisátikoók óche ; Ispe mākwalh kāyapitch oo wutikwunim ā nāsoowuneyik, mena nātawekētatche neepeya, ke kiskāyētānawaw nepin kissewak ā ayamukúk :

29 Ākose keyawaw moyam isse, ispe wap-ūtumāko ohoo kākvia ochéche-puyikwawe, kiskāyētumook kissewak ā ayamukúk, āpo iskwātāmik.

30 Tapwā k' ititinawaw, okoo aniskā ka nētawekehitootchik ayiseyinewuk numoweya kitta mayawepuyewuk, eyekoók kákeyow ohoo kākvia kā tohekatakee.

31 Kéche kesik mena uske kitta mayawepuyew : maka net ayumewina numoweya kitta mayawepuyinwa.

32 ¶ Maka āwuko kesikaw mena āwuko tipāhikun numma oweyuk kiskāyētum, numma, numoweya āpo kéche utooskāyakunuk kéche kesikoók ka ayatchik, āpo Wākoosiseék, piko Ótawemaw.

33 Pāūtuk keyawaw, usowapik mena ayumehak : chikāma numoweya ke kiskāyētānawaw ispe kā ochéche-puyik.

34 Chikāma napāwe-Koosisan nuspitowāo napāwa wáyow ā itótāyit, ka nukutúk oo waskahikun, mena ka ké oonussoowatat oot utooskāyakuna, mena túto napāwa oot utooskāwin-eyew, mena ka ké itussoowatat ookunowiskwátowāwa kitta usowapeyit.

35 Usowapik maka : chikāma numoweya ke

kiskāyētānawaw ispe tāpāyētūk waskahikun kā tukoseék, ā otakosineyik, āpo ā apēta tipisk-ayik, āpo mākwach napā pakahákwan ā kitoot, āpo ā kākesāpayayik :

36 Kātútowā tukoseéke āka kitta misk-akoyāk ā nippawāk.

37 Mena unima ka ititukook net itawuk kákeyow, Usowapik.

PISKĒTUSSINÁHIKUN XIV.

KÁ nesoo kesikak étukwun wékótoowin passover, ka itumeék, mena āka ka ópiseék ayūkonaw : ākose kéche ayumehāwekemawuk mena oomus-sináhikāwuk nutonumwuk tanse kitta ké isse kemooch wuyāse otinatchik, ākose kitta nip-páhatchik.

2 Maka omisse itwāwuk, Numoweya ā wékótoowe kesikak, āka ayiseyineyik kitta nayātaŵāyētúkik.

3 ¶ Ākose ā ayat Bethanyik peéche w'e-keék Simon ka peekopuyewe itaspināt, mākwach ā uppit ā mechesoot, pā itótāo iskwāo ā ayat tumuskoowin usineyutik spikenardik óche naspitch ā ákwukétāyik ; ākose pask-inum unima usineyut, mena seekinumwāo oo' stikwaneyeék.

4 Mena ateét numoweya meywāyētumwuk peéche oo mitoonāyēchekunewāk, mena omisse itwāwuk, Tanáke oma wáche māstinumeék oma tumuskoowin ?

5 Chikāma kitta kē utawakanewunopun owusimā nistoo metatūtō metunow sooneyaw-apiskwuk óche, mena kitta kē meeyátyuk ookitimakissewuk. Ākose nayātawe itāwuk.

6 Ākose Jesus omisse itwāo, Āka totāk ; tanāke wāche mikooskachebāk ? ne kē totās-tumak meyo utooskāwin.

7 Chikāma mosuk ke wechāwawawuk ookitimakissewuk, mena piko tūtaw kā itāyētumāk ke ga kē meyototowawawuk ; maka neya num-oweya mosuk ke wechātinawaw.

8 Kē totum ā isse kuskétat : pā itōtāo neyakuna kitta toominúk n' eyow kitta náhinik-owewuk.

9 Tapwā k' ititinawaw, Piko ittā oma meyo achimoowin kā wētumeék missewā uskeék, oma ussitche ka kē totúk kitta atochekatāo kitta kiskisetotāt.

10 ¶ Ākose Judas Iscariot, pāuk metatūt nesoosap óche, natāo kéche ayumehāwekemawa, ā wé utamat w'eyoweyew.

11 Ākose ispe peyātúkik, mumátakosewuk, ākose usootumwuk kitta meeyatchik sooneyawa. Ākose nutonum tanse kitta kē isse náhepuyeyik kitta utawakāt.

12 ¶ Ākose nistum kesikaw āka ópisinoowe ayúkonaw, ispe nāppátatchik passover, oo kiskinóhumowakuna omisse itik, Tantā ātāyētumun kitta nutowe kwyachétayāk kitta kē mecheyun passover ?

13 Ākose sipwātissáwāo nesoo oo kiskinó-

humowakuna, mena omisse itāo, Itótāk kéche waskahikuneskák, ákose ke ga, nukiskakoowaw pāuk napāo ā pimótutat kwapekakun ā sakus-kināyik nippe óche: pimitissáhoók.

14 Mena piko itta kā peétokwāt, omisse iteék ka tipāyétúk waskahikun, Ookiskinóhumakāo omisse itwāo, Tanewā mantāwekumik, itta kā mecheyan passover ussitche ne kiskin-óhumowakunuk?

15 Ákose ke ga wapúteyikoowaw ā mis-ayik piskétche waskahikun ispmík ā ayayik ā kwyatuneyik: ákota kwyachétak keyanow óche.

16 Ákose oo kiskinóhumowakuna sipwátā-yewa, mena pā itótāyewa kéche waskahikun-eskák, mena miskumwuk ā ké isse itikootchik: ákose kwyachétawuk passover.

17 Ákose ā otakosineyik pā tukosin ussitche metatút nesoosap.

18 Mena mákwach ā uppitchik mena ā mechesootchik, Jesus omisse itwāo, Tapwā k' ititinawaw, Pāuk oma keyawaw ka weche mechesoomeyāk kitta utawakāo n' eyow.

19 Ákose utte mache numma nááyétum-wuk, mena omisse isse mache itāwuk pápāuk, Neya na? mena kotuk omisse itwāo, Neya na?

20 Ákose nuskwāwusehāo mena omisse itāo, Pāuk metatút nesoosap óche, una ka weche isseniskāmit onakuník.

21 Napāwe-Koosisan atesoweya tapwā itótāo, ā ké isse itussináhoót: maka maye ayaw

una napāo napāwe-Koosisan ka óche uta-wakāk! owusimā kitta ké meywasiñeyepun una napāo óche keespin āka wékach ké nêta-weképun.

22 ¶ Ākose mākwach ā mechesootchik, Jesus otināo ayūkonawa, ākose meywukimāo, mena pūkwānāo, mena meeyāo, mena omisse itwāo, Otineék, mooweék: āwuko oma n' eyow.

23 Ākose otinum minikwakun, ākose ká mākit nunaskomoowina, meeyāo: ākose ká-keyow ké minikwāwuk ākota óche.

24 Ākose omisse itāo, Āwuko oma ne'mík oske issétwawiník, ka seekāhikatāk méchāt óche.

25 Tapwā k' ititinawaw, Numoweya owusimā ne ga minikwatumwan oo meenisima meenisátik, peeyis unima kesikaw ká oske minikwāyan oot otānowiník Muneto.

26 ¶ Ākose ká nikumootchik pāuk nik-umoon, itótāwuk wutcheék Oliweík.

27 Ākose Jesus omisse itāo, Kákeyow keyawaw ke ga nayāta-wāyētānawaw chikāma neya óche unoóch ka tipiskak: chikāma omisse itussināhikatāo, ne ga otamāwaw ookunowemayutchíkwāo, ākose mayutchíkwuk kitta nunanis ayawuk.

28 Maka ké wuniskayane, ke ga nekanótatinawaw Galileeík isse.

29 Maka Peter omisse itāo, Keyam ata kákeyow nayāta-wāyētúkwawe, āyewāk neya numoweya.

30 Ākose Jesus omisse itāo, Tapwā k' ititin, Oma ka kesikak, oma ote ka tipiskak, ā moyā napāpakahākwan kitoot neswaw, nistwaw ke ga anwātowin.

31 Maka owusimā pekiskwāo ā wē tapwāt, Keespin ata weche nippeemitane, numma wawach ke ga anwātatin. Ākose isse nees-tawaw kákeyow ātwāchik.

32 ¶ Ākose otētumwuk itta Gethsemane ā issenikatāyik : ākose omisse itāo oo kiskinō-humowakuna, Uppik keyawaw ota, ā āskwa ayumehayan.

33 Ākose wechāwāo Petera mena Jamesa ussitchē Johna, mena mache naspitch mikoos-katāyētum, mena mache koosikwamūchehoo;

34 Ākose omisse itāo, Net áchák naspitch kukwatukamūchehoo nippoowinik isse : ota ayak keyawaw, mena usowapik.

35 Ākose utte yúkôtāo upisees, mena pūk-isin uskeék, mena ayumehaw, keespin kā ké ékineyikwā, tipáhikun kitta ké muyaskakoot.

36 Ākose omisse itwāo, Abba, N' ótawe, kákeyow kákwia ke kuskétan keya; ákutānumowin oma miníkwakun : áyewák maka numoweya neya ā itāyētuman, maka keya ā itāyētumun.

37 Ākose pā itótāo, mena miskowāo ā nip-payit, ākose omisse itāo Petera, Simon, ke nippān che? numma wawach na pāuk tipáhikun ke ké usowapin?

38 Usowapik mena ayumehak, aka kitta

itôtâyāk kootâyétowinik. Áchák tapwā kwyachissew, maka meyas nāsoowun.

39 Ākose mena sipwātāo, mena ayumehaw, mena ayumew kāyapitch āwukwunee ayumewina.

40 Ākose ispe keyewāt, miskowāo ā nipayit mena, (weya oo' skesikoowawa ā koosikwuneyikee,) mena numoweya kiskāyētumwuk tanse kitta isse nuskwāwusehatchik.

41 Ākose pā itôtāo ākwa nistwaw, mena omisse itāo, Ākwa nippak, mena otinumook ket uywāpewinewaw: ākoyekoók, tipáhikun ochécheputyew; matika, napāwe - Koosisan utawakanewun oo' chécheewāk isse oomuchatissewuk.

42 Wuniskak, sipwātātan; cheest, una ka utawakāt n' eyow kissewak ayaw.

43 ¶ Ākose sāmak, mākwach kāyapitch ā ayumit, pā itôtāo Judas, pāuk metatūt nesoosap óche, mena ā wechākoot ookistukāwe ayiseyinewa semakunikomana mena pukumakuna ā kekeeyit, kêche ayumehāwekemawa mena oomussināhikāwa ussítche kāsāyineékútumeyit óche.

44 Mena una ka ké utawakāwat w'eyoweyew oo ké meeyáty kiskáhikun, omisse ā itwāt, Piko una ká ochāmuk, āwuko una; āwuko otineék, mena sipwātāheék pāútuk.

45 Ākose sāmak takoseék, kwiiskonak utte natāo, mena omisse itwāo, Okemaw, okemaw; ākose ochāmāo.

46 Ākose oteétināwuk, mena otināwuk.

47 Ākose pāuk unekee ka nepowitchik ākota ochipitum semakuníkoman, mena otam-āwāo oot utooskāyakuneyewa kéche ayumehāwekemawa, mena munewāpāhumwāo oó' towukuyew.

48 Ākose Jesus nuskwāwusehāo mena omisse itāo, Tapiskooch che kimootisk ā pā natāk, semakuníkoomana mena pukumakuna ka kekeyāk kitta otineyāk?

49 Ke ké wechātinawaw túto kesikaw peéche kéche ayumehāwekumikoók ā kisk-inóhumakāyan, mena numoweya ke ké otininawaw: maka kéche mussināhikāwina kitta tipepuyewa.

50 Ākose kákeyow nukutāwuk, mena tup-useewuk.

51 Ākose pimitissáhook pāuk oskenekewa, ā ukwunáhooyit wapiske pupukewuyan moosāweyoweyeék; ākose oskenekewuk oteétināwuk:

52 Ākose nukutum wapiske pupukewuyan, mena tupusehāo moosāskut.

53 ¶ Ākose itótahāwuk Jesusa itta mawutche kéche ayumehāwekemawa ā ayayit: ākose ākota ā wechākoot kákeyow kéche ayumehāwekemawa mena kāsāyineékútumeyit ussitche oomussināhikāwa.

54 Ākose Peter wáyow isse pimitissāwāo, āpo kéche ayumehāwekemawa w'ekeyeék isse: ākose weetuppināo utooskāyakuna, mena ow-usoo iskotāk.

55 Ākose kéche ayumehāwekemawuk mena kákeyow oonussoowāwin nutonumwuk itta kitta óche misimatchik Jesusa kitta nippáhatchik; ākose numma wawach miskumwuk.

56 Chikāma méchāt nuspach isse misékāmoowuk, maka oo misékāmoowinewaw numoweya tapiskooch ké isse náhepuyeyew.

57 Ākose ateét pusikoowuk, mena nuspach isse misimāwuk, omisse ā itwāitchik,

58 Ne ké pātowanān ā itwāt, Ne ga nissewunachétan oma kéche ayumehāwekumik ka oséchikatak mechécheeya óche, ākose nistwaw kesikake ne ga oonusketan kotuk numoweya mechécheeya óche.

59 Maka neestawaw oo misékāmoowinewaw numoweya tapiskooch ké isse náhepuyeyew.

60 Ākose mawutche kéche ayumehāwekemaw nepowew tātawitch, ākose kukwāchimāo Jesusa, omisse ā itwāt, Numma wawach na ke nuskwāwusétwan? kākwan oma okoo ka wé óche misimiskik?

61 Maka numoweya kitoo, mena numma wawach nantow itwāo. Mena mawutche kéche ayumehāwekemawa kukwāchimik, mena omisse itik, Keya che una Christ, oo' Koosisa Sāwā-yétakosit?

62 Ākose Jesus omisse itwāo, Neya āwuko : mena ke ga wapumawaw napāwe-Koosisan ā uppit soókatissewin oo kéche-niskik, mena ā pā itótāt wuskoók kesikoók.

63 Ākose mawutche kéche ayumehāweke-

maw peekopitum oot ayoowinisa, mena omisse itwāo, Kākwan owusimā misékāmoowina nāt-owāyētumúk?

64 Ke ké pātānawaw pastamoowin: tanse keyawaw ātāyētumāk? Ākose kákeyow itus-ooowatāwuk kitta nippáhimeét.

65 Ākose ateét mache seékwatāwuk, mena ā ukwunákwaŵatchik, mena ā otamāŵatchik, mena omisse ā itatchik, Kiskewāhikā: ākose utooskāyakunuk otamāŵāwuk oot ayukusk-echéchanewawa óche.

66 ¶ Ākose mākwach Peter neétche ā ayat kéche waskahikuník, pā itótāyewa pāuk mawutche kéche ayumehāwekemawa oot utooskā-yakuniskwāmeyewa:

67 Ākose ispe weyapumat Petera ā owus-ooyit, kunowapumāo, mena omisse itwāo, Mena keya ussitché ke ké wechāwaw Jesus Nazarethík ka ócheet.

68 Maka anwātum, omisse ā itwāt, Numoweya ne kiskāyētān, mena numoweya nē nissitótān tanse ātwāyun. Ākose wuyoweew ā piskéche ayayik isse; ākose napāpakahákwana kitooyewa.

69 Ākose utooskāyakuniskwāwa mena wapumik, mena omisse mache itāyewa unehee ka nepoweyit ākota, Āwukwawa pāuk weyawaw óche.

70 Ākose mena anwātum. Ākose mena ukunuk, unekee ka ké nepowitchik ākota omisse itāwuk mena Petera, Neyaman keya

pāuk weyawaw óche: chikāma ke Galilean-ewin, mena ākose ātétakoseyun.

71 Maka mache weyúkwāo mena kéche itwāo, omisse isse, Numoweya ne kiskāyimaw owa napāo ka ayimomāk.

72 Ākose ākwa neeswaw napāpakahākwan kitoo. Ākose Peter kunokiskissew unima ayumewin Jesusa ka ké itikoot, Ā moyā kitoot napāpakahākwan neeswaw, ke ga anwātowin nistwaw. Ākose ispe meyamitoonāyétúk āwuko, matoo.

PISKĒTUSSINĀHIKUN XV.

Ākose sāmak ā kākesāpayayik kéche ayumehāwekemawuk mamowe oonussoowāwuk ussitche kāsāyineékútumeyit mena oomussināhikāwa ussitche missewā oonussoowāwin, mena tūkopitāwuk Jesusa, mena sipwātahāwuk, ākose pukitinumowāwuk Pilatea.

2 Ākose Pilate kukwāchimāo, Keya che oo Kéche Okemamewawa Jewuk? Ākose nuskwāwusehāo mena omisse itāo, Ket itwan mana maka.

3 Ākose kéche ayumehāwekemawuk misimāwuk méchāt kākwa óche: maka numma wawach nantow isse nuskwāwusétwaw.

4 Ākose Pilate mena kukwāchimāo, omisse ā itwāt, Numma wawach che nantow ket isse nuskwāwusétwan? cheest tantúto kākwa wā óche misimiskik.

5 Maka Jesus kāyapitch numma wawach nantow isse nuskwāwusétwaw; ākose Pilate mamuskatum.

6 ¶ Unima maka wékótoowiník oo wéke pukitinumowáty pāuk kipāwakuna, piko unehee ā nutowāyimayit.

7 Mena oot étáty pāuk Barabbas ā isseník-asoot, ā weche túkopisoomat unehee ka ké wechāwikoot ā keesétatchik mikooskacheayawin, ā ké nippátakāyit mikooskacheayawiník.

8 Ākose ookistukāwe ayiseyinewuk soóke ā tāpwātechik mache nutowāyimāwuk kitta totakootchik ā ké isse mosuk totakootchik.

9 Maka Pilate nuskwāwusehāo, omisse ā itwāt, Ket itāyétānawaw che kitta pukitinumatukook oo Kéche Okemamewawa Jewuk?

10 Chikāma ā kiskāyétúk kéche ayumehāwekemawa ā ké pukitinayit ótāyétowin óche.

11 Maka kéche ayumehāwekemawuk seék-iskowāwuk ayiseyinewa, nowuch kitta pukitinumakootchik Barabbasa.

12 Ākose mena Pilate nuskwāwusehāo mena omisse itāo, Tanse átāyétumāk kitta totowuk una oo Kéche Okemamewawa Jewuk ka itāk?

13 Ākose mena omisse isse tāpwāwuk, Cheestahaskwas.

14 Ākose Pilate omisse itāo, Tanāke, kāko mucho kākwi ká totúk? Ākose owusimā nowuch soóke tāpwāwuk, Cheestahaskwas.

15 Ākose maka Pilate, ā itāyētúk kitta náheyowāhat ayiseyinewa, pukitinumowāo Barabbasa, mena pukitināo Jesusa, ispe ká pusustāwat, kitta cheestahaskwatimeēt.

16 ¶ Ākose semakunisuk itōtahāwuk oon-
ussoowāwekumikoók, Pretorium ā itumoót;
ākose mamowe nutomāwuk kákeyow ātuseyit
semakunisa.

17 Ākose weyātahāwuk mīkwākin óche,
mena upékatumwuk kéche okemawe ustotin
misekaweminukuseya óche, ākose ustawāwuk
oo' stikwaneyeék,

18 Mena mache utumiskowāwuk, omisse,
Wacheyā, ka Kéche Tipāyimutchik Jewuk !

19 Mena otamāwāwuk oo' stikwaneyeék
ustakunuskose óche, mena ké seékwatāwuk,
ākose ā namekāyitchik ā putupestowatchik.

20 Ākose ká mātowakatatchik, otinum-
wāwuk mīkwākin, ākose poostiskumoteyāwuk
oot ayoowiniseyewa, mena wuyoweētahāwuk
kitta cheestahaskwatatchik.

21 Ākose sakoochimāwuk pāuk Simona ā
Cyrenianeweyit, ā pimótāyit ākota, uskeék ā
ótótāyit, óo' tawewawa Alexander mena Rufus,
kitta onikatumeyit oo pimitaskwāhikuneyew.

22 Ākose pāsewāwuk Golgothaík isse, āwuk-
wane, ā itwāk, Itta ostikwanekunekākun ā
ayak.

23 Ākose meeyāwuk kitta miníkwāyit soom-
inapōe ā keyikowinekatāyik myrrh: maka
numoweya ké otinum.

24 ¶ Ākose ispe kǎ cheestahaskwatatchik, matinumatoowuk oot ayoowiniseyewa, ā koot-āyētúkik, kǎkwan túto napāo kǎ otinúk.

25 Mena nantow nistoo tipáhikun ispeéche kesikapun, ispe ā cheestahaskwatatchik.

26 Ākose mussináhikāwin itta kǎ kē óche misimeét kē mussináhikatāyew túkoóch, Oo Kéche Okemamewawa Jewuk.

27 Mena ussitche cheestahaskwatāwuk nesoo ookimootiska; pāuk oo kēche niskík, mena kotuk oo' numútiník.

28 Ākose kēche mussináhikāwin kē tipe-puyew, kǎ itwāmukúk, Mena kē usitukimaw keyekow oomuchatissewa.

29 ¶ Ākose unekee kǎ pimótatchik ākota nunatoókomāwuk, ā nunamiskwāyitchik, mena omisse ā itwāitchik, Ah, keya kǎ nissewunach-étayun kēche ayumehāwekumik, mena kǎ osé-tayun ā nistoo kesikak,

30 Pimachehisoo, mena pǎ neétukosee pimitaskwahikuník óche.

31 Neestawaw ussitche kēche ayumehāwekemawuk ā nunatoókomatchik omisse ā ititootchik ussitche oomussináhikāwuk, Kē pimachehāo kotuka; weya kǎchewak numoweya kē pimachehisoo.

32 Mâte Christ oo Kéche Okemamewawa Israel ākwa kitta neétukoseew pimitaskwahikuník óche, kitta kē wapútumúk mena tapwǎtumúk. Mena unehee kǎ kē wéche cheestahaskwateét kékamik.

33 ¶ Ākose ispe nikotwasik tipáhikun wāchéchepuyik, ké kusketipiskaw missewa uskeék peeyis kāka metatút tipáhikun isko.

34 Ākose kāka metatút tipáhikun Jesus tāpwāo ā kiseewāt, omisse ā itwāt, Eloi, Eloi, lama sabachthani? āwukwane, ā itwāk, Ne Munetoom, ne Munetoom, tanāke wāche ké nukuseyun?

35 Ākose ateét unekee ka nepowitchik ākota, ispe peyātúkik, omisse itwāwuk, Cheest, tāpwatāo Eliasa.

36 Ākose pāuk ispútaw mena sakuskinahāo yikāhipana seewēkapöe óche, mena ustaw ustakunuskoseék, mena meeyāo kitta minikwāyit, omisse ā itwāt, Āka totumook; mâte wapútutan keespin Eliasa kā pā neétinikookwā.

37 Ākose Jesus tāpwāo ā kiseewāt, mena sipwāchākwāo.

38 ¶ Ākose unima ka kipáhikakanewúk kéche ayumehāwekumikoók nesoótāpuyew ispmik óche neéche isse.

39 ¶ Ākose ispe una semakunisewekemaw, ka nepowit tipiskooch weya, weápútúk ākose ā isse tāpwāyit, mena ā sipwāchākwāyit, omisse itwāo, Tapwā owa napāo ké Munetoowe-Koosisanewew.

40 Oot ayátawaw ussitche iskwāwuk ā kunowapitchik wāyow óche : ākota neesta oot ayáty Mary Magdalene, mena Mary oo' kaweya James noótow ka ispeétisseet ussitche Joses, mena Salome ;

41 (Weyawaw ussitche, ispe Galileeik ā ayayit, ka kē pimitissāwatchik, mena ka kē pumeestowatchik ;) mena méchāt kotukuk isk-wāwuk ā kē pā wechāwatchik Jerusalemik isse.

42 ¶ Ākose ākwa ispe wātakosik, chikāma mākwach muneeschekāwe kesikapun, āwukwane, unima kesikaw ā moyā ayumehāwe kesikak,

43 Joseph Arimatheaik ā ōcheet ā kistāyētakosit oonussoowāo, neesta ā pātāt Muneto oot otānowewin, pā itôtāo, mena soóketāhāwe peétokowāo Pilatea, mena nutotum w'eyoweyew Jesusa.

44 Ākose Pilate mamuskatum keespin assi ká nippeyikwā: ākose nutomāo semakunisekekemawa, kukwāchimāo keespin nowuch kinwās uspin ka kē nippeyit.

45 Ākose ispe kāskāyétúk semakunisekekemawa ā wétumakoot, meeyāo meyoweyew Josepha.

46 Ākose utawāo ā meywasineyik wapiske pupukewuyanākin, mena neétināo, mena wāwākināo ākota wapiske pupukewuyanākinoók, mena áyāo peèche chepuyekumikoók ā kē wayapiskutahumoót kistapiskák ōche, mena tétipināo usineya ā isse iskwátāmewuneyik chepuyekumikooyew.

47 Ākose Mary Magdalene mena Mary oo' kaweya Joses wapútumwuk itta ā kē ávimeét.

PISKĒTUSSINÁHIKUN XVI.

Ākose ispe ayumehāwe kesikaw ká muyawepuyik, Mary Magdalene, mena Mary oo' kaweya James, mena Salome, utawāwuk seewéke muskékeya, kitta ké pā itótatchik mena kitta muskékwāwatchik.

2 Ākose naspitch ā kākesāpayayik nistum ā kesikayik āwuko ā ispuyeyik, pā itótāwuk chepuyekumikoók a wuniskayit peesimwa.

3 Ākose omisse ititoowuk, Owāna kā tétipinumatúk usineya chepuyekumikoowe iskwátamík óche?

4 Ākose ispe ātapitchik, wapútumwuk usineya ā ké ópimā isse tétipinimeét: weya naspitch ā ké misikiteyit.

5 Ākose ā peétokwāitchik peéche chepuyekumikoók, wapumāwuk oskeneekewa ā uppeyit kéche-niskík itákā, ā weyātumeyit ā kinwayik wapiske weyáčekun; ākose ké sākissewuk.

6 Ākose omisse itāo, Ākaweya sākissik: Ke nutonowawaw Jesus Nazarethík ka ócheet, ka ké cheestahaskwateét: ké wuniskaw; numoweya ota ayaw: cheest itta ka ké áyatchik.

7 Maka kewāk, wétumowimák oo kiskinóhumowakuna ussitché Peter ā nekanótakooyāk Galileeík isse: ākota kā wapumāk, ka ké isse wétumakooyāk.

8 Ākose wuyoweewuk keyepée, mena osimooowuk chepuyekumikoók óche; weya ā ké nunumepuyitchik mena ā mamuskatúkik: me-

na numoweya nantow oweya itāwuk ; chikāma ké sākissewuk.

9 ¶ Ispe maka Jesus ká wuniskat weputch nistum ā kesikayik āwuko ā ispuyeyik, nistum ké otētāo Mary Magdalenea, unehe tápukoóp muche áchákwa ka ké wuyoweetissáhoomat w'eyoweyeék óche.

10 Ákose ké nutowe wétumowāo unehee ka ké wechákooyit, weya āka ā náāyétumeyit mena ā matooyit.

11 Ákose weyawaw, ispe peyátúkik ā pimatisseyit, mena ā ké wapumayit, numoweya tapwátumwuk.

12 ¶ Uskoóch āwuko otētāo petoos isse ā neseyit weyawaw óche, mākwach ā pimótāyit, mena kotuk uskeék ā itótāyit.

13 Ákose nutowe wétumowāwuk kotuka: mena numoweya tapwátowāwuk āwukwunee.

14 ¶ Patima otētāo metatút pāukoosap ka ítuseyit mākwach ā uppeyit ā mechesooyit, ákose kitootāo oot anwátumoowineyew óche mena oo muskowetáhāwineyew óche, chikāma numoweya ké tapwátowāwuk unehee ka ké wapumikoot ká wuniskat.

15 Ákose omisse itāo, Itótāk missewā uskeék, mena wétumák meyo achimoowin ká-keyow ayiseyinew.

16 Una kā tapwátúk mena kā seekahátát kitta pimachehaw ; maka una āka kā tapwátúk kitta nissewunachehaw.

17 Mena ohoo kiskáhikuna kitta pimitis-

sáhookwuk unekee ka tapwâtúkik ; Ne wé-yoowinik kitta wuyoweewāpināwuk mucho áchákwa ; kitta ayumewuk oske metāyuneya óche ;

18 Kitta otināwuk kināpikwa ; mena kees-pin miníkwatúkwawe nantow nippoowe kákwi, numoweya kitta ákohikwuk ; kitta samināwuk ootákosewa, ákose kitta meyo ayayewa.

19 ¶ Ákose maka, ka Tipāyéchekāyit ká ayumehikootchik, ké otinaw kéche kesikoók isse, mena ké uppew oo kéche-niskik Mun-eto.

20 Ákose ké sipwātāwuk, mena ké kukāsk-imawusoowuk missewā ittā, ka Tipāyéchekāt ā wechēutooskāmat, mena ā ayeechétat ayumewin mamuskache kákwia ā ussitchepuyeyikee.

